



ორგანო ს.ს. ს.ს.ს.-დემ. პარტიის საზღვარ-გარეთელ ბიუროსი
Organe du Bureau à l'Étranger du parti Social-démocrate de Géorgie.

832
1955

დემოკრატიული

ფრთვა

“ NOTRE DRAPEAU ”

Directeur: MICHEL STOUROUA.

N° 20

პარიზი

მ ა თ ბ ი

Paris.

1955

26 მაისი ჩვენი დიდი დღესასწაულია!...

იგი არ არის ქამი წარსულის უბრალო მოგონების: იგი სიმბოლოა ქართველი ერის უკვდავების, მისი მხნეობის და მთლიანობის, მისი თავგანწირულ ბრძოლის თავისუფლათ არსებობისთვის.

დრო გადის, თაობა თაობას მისდევს მტრის მიერ დაკავებულ საქართველოში, მაგრამ ვერავის გაუბედავს დღემდის თქმა იმის, რომ საქართველო «დაპყრობილია»; ვერავის ძალუძს დაჩრდილოს თავისუფლების უკვდავი შუქი, ქართველის გულში რომ ბრწყინავს, დამოუკიდებლათ არსებობის დაუშრეტელ სურვილთან ერთად.

მტერს ვერ გაუბედავს საქვეყნო სთქვას, რომ მძიმე ბორკილში ჩასჭედა მან თავისუფლებისთვის თავდადებული ერი: იგი ამბობს, რომ ქართველი ერი თავისუფალია და თანასწორი სხვა თავისუფალ ერთა შორის...

მტერი ვერ ბედავს, რომ სთქვას საქვეყნო: რა წაართვა მან საქართველოს და რას აძლევს იგი ქართველ ერს სამაგიეროთ? იგი მუდამ მალავს, რომ საქართველოს ნივთიერ წარმატების—ვითომ წარმატების!—გამაბრუებელ ციფრებს უკან იმალება ადამიანის ღირსების დამამცირებელი უუფლებობა და ხალხის საშინელი ნივთიერი სიღატაკე.

ვერც ოსტატურ ეშმაკობით და ვერც საშინლათ მკაცრი ზომებით მტერმა ვერ დაიმორჩილა ქართველის ამაყი სული; ამიტომ იგი ახლა სწმენდს საქართველოს, სწმენდს იმას ქართველებიდან! მტერი მონდომებულია მოსპოს ქართველი ერთუ დღემდის კიდევ მოიპოვებოდენ ჩვენში ქართულ გვარის მატარებელი ერის მოღალატენი, საბჭოთა საქართველოს წარმომადგენლებათ რომ საღდებოდენ, დღეს საქართველოს რუსები წარმოადგენენ საბჭოთა კავშირის უმაღლეს დაწესებულებებში: პერვუხინები და სუსლოვები!... დაიხოცენ სამშობლოს გამცემი «ბედაურები», გაჰქრა უკანასკნელი ნაშთი «გამოჩენილ» მოღალატეთა და მათ ადგილზე ჩვენში აყენებენ ახლა პატარა კაცუნებს, სრულიად უმნიშვნელოებს და უჩინართ საბჭოთა საქმიანობის ფართო ასპარეზზე.

სამხედრო ბარაბანის ბრახუნის უკან აშკარად მოსჩანს მორალური ვაკოტრება საბჭოთა ხელისუფლების, არა-რუს ერების და არა რუსის ქვეყნების გარუსებით რომ ფიქრობენ თავის პრესტიჟის დაცვას. ეს უკანასკნელი საშვალება!



მტერმა იცის, რომ დათვლილია მისი დღეები. შეიძლება ხიშტიოთ, თოფით და ხარბახნებით გარემოცულმა, ერთხანს კიდევ იბატონოს იმან, მაგრამ თვითონაც კარგად იცის ბედი დესპოტთა და ტირანების: არას დროს მათ არ ჰქონიათ მომავალი. საბჭოთა ტირანიაც ისე დაემხობა, როგორც დაემხვენ ყველა მისი წინამორბედი. ამის წარმოდგენა შიშით იპყრობს და აბოროტებს მოძალადეებს...

ჩვენ კი, ჩვენ მუდამ გვამხნევენ ჩვენს წინ გადაშლილი ისტორია ქართველი ერის. ბევრჯელ ტყვეობაში ყოფილს, მაგრამ მუდამ თავისუფლების სიყვარულით აღგზნებულს, ღრმა პოლიტიკურ ჭრილობების გადამტანს და ყოველ ეჟამს — გაჟირების ხანაში — გამთლიანებულს, ქართველ ერს ჰქონდა და აქვს მომავალი. დაიქცენ იმპერიები, გაჰქარა ხსოვნა დესპოტების, პატარა ქართველი ერი კი ცხოვრობს და მისკენ არის დღეს მიმართული თანაგრძნობა ყველა თავისუფლების მოყვარულ ხალხების.

ამიტომ :

დგას დღეს ქართველი კაცი საკუთარ დანგრეულ კერის წინაშე დამწუხრებული თუ რკინის ბორკილებში ჩაჭედილი ციხეში ჩაგდებული, შორეულ ქვეყნებში თავის ნებით არის იგი გადახვეწილი თუ სუსხიან ციმბირში ძალით არის გადაგზავნილი, მას მართებს მხნეთ და იმედით შეყურებდეს მომავალს. სასოებით უნდა მოიგონოს მან 26 მაისი და გადახედოს მტრის დაშინებულ სახეს და ადამიანის სისხლით შეღებილს მის მოცახცახე ხელებს: განა მაჩვენებელია ეს მტრის ძლიერების?

მან, მტერმა დაუნდობელმა, დასტანჯა, აწამა, ააწიოკა ქართველი ხალხი, მაგრამ იგი ვერ დაიმორჩილა. მასთან ერთად საბჭოთა სახელმწიფოს წინააღმდეგ დგანან დღეს, ბოლშევიკთა ალსავე გრძნობით, ყველა ერები. აქ არის დასაბამი მტრის შიშის და მრისხანებისაც.

და აქვე მოსჩქეფს ცხოველმყოფელი წყარო ქართველი ერის იმედის, სიმტკიცის და გამძლეობის. მას წინ მიუძღვის ახლა — ერთ საუკუნეზე მეტი უცხო უღლის ქვეშ ყოფნის შემდეგ — ახალი მნათობი, თავისუფლებისთვის ძველ და ნაცად გზის მაჩვენებელი: 1918 წლის 26 მაისი!..

გაუმარჯოს 26 მაისს!

გაუმარჯოს ქართველ ერის ბრძოლას თავისუფლებისთვის!

ეკონომიური ცენტრალიზმი

თუ გაბატონებული ნაციონალიზმი.

არის საკითხები, რომელთა ხშირი მოგონება აუცილებელია, რადგან მათი ფორმა ხშირად ფარავს საკითხის არსებითი მხარეს და იმის ნამდვილ მნიშვნელობას. ასეთია, სხვათა შორის, საკითხი საბჭოთა კავშირის ცენტრალურ მართველობის დამოკიდებულების «მოკავშირე» რესპუბლიკებთან.

ამ საკითხის კარგად გარკვევას ხელს არ უწყობს არც საბჭოთა ხელისუფლების მიერ გამოქვეყნებული ცნობები და არც საკითხისადმი ისეთი მიდგომა, ჩვენ ხშირად რომ ვხვდავთ უცხოეთში, კერძოდ ემიგრაციის მიერ გამოქვეყნებულ მასალებშიც. გვაკლია ამ საკითხის ამომწურავი ცნობები: საკითხი კი, ძალიან დიდი მნიშვნელობის არის. დიდი მნიშვნელობისა იგი იმიტომ, რომ ის პოლიტიკა, საბჭოთა კავშირი ახლა რომ ადგას, ანგრევს საუკუნოებით შექმნილ სხვადასხვა ეროვნებათა სოციალურ-ეკონომიურ ფუძეს და სპობს მათი თავისებურათ განვითარების ბუნებრივ გზებს; სამაგიეროდ, იგი ჰქმნის—და ჰქმნის ძალიან ხელოვნურათ—ახალ პირობებს, რომელნიც აბამენ ერთი-მეორეს საბჭოთა კავშირში შემავალ ეროვნულ ერთეულებს და ყველა ამით უმორჩილებენ ეკონომიურათ «ცენტრს», სწორედ ისე, როგორც ყავს ისინი მას პოლიტიკურათ დამორჩილებული.

ხოლო, რადგან საბჭოთა კავშირის «ცენტრში» გეოგრაფიულათ თითქმის ისე, როგორც პოლიტიკურათ, დგას რუსეთის სოც. ფედერ. საბჭოთა რესპუბლიკა, დასახლებული უმთავრესად რუსებით, განაპირა მოკავშირე რესპუბლიკები კი დასახლებული არიან უმთავრესად არა-რუსებით, საბჭოთა კავშირის ცენტრალისტური პოლიტიკა არსებითად მოასწავებს: რუსეთის სოც. ფედერ. საბჭოთა რესპუბლიკის განსაკუთრებულ პრივილეგიურ მდგომარეობაში ჩაყენებას და მის მიერ სხვა მოკავშირე რესპუბლიკების თავის მიზნებისთვის გამოყენებას.

ზედმეტია აქ განმეორება იმის, რაც ბევრჯერ გვითქვამს, სახელდობ, ცენტრის მიერ საბჭოთა კავშირის სახალხო-მეურნეობის და ფინანსების სისტემატიურათ გამოყენების შესახებ მოკავშირე რესპუბლიკების თავის მორჩილებაში დაყენების მიზნით. მე მინდა ახლა მხოლოდ ზოგიერთ დამატებითი ცნობების დასახელება ძველი თეზის უფრო განანათებლათ. ეს ცნობები იმას მოწმობს, რომ მდგომარეობა გრძელდება, სხვადასხვა ფორმით, საერთო მდგომარეობის გაუარესებისკენ.

საბჭოთა კავშირის ხელისუფლება იმას ამაცობს, რომ მან ხელი შეუწყო და ხელს უწყობს სახალხო მეურნეობის განვითარებას მოკავშირე რესპუბლიკებში. ამას არაფერ უარს-სყოფს და უბრალო დაკვირვება ამის მარჯვენებელია; ხოლო სულ სხვა საკითხია, თუ რა დაუჯდა მოკავშირე რესპუბლიკებს ეს «ხელის შეწყობა». ამის გასაგებათ უბრალო დაკვირვება არ კმარა და კონკრეტულ ცნობების მოყვანა საჭიროა; საჭიროა ცნობების ერთი-მეორესთან შედარება და მდგომარეობის ასე დაფასება. აქ კი საბჭოთა სტატისტიკა ცდილობს პირდაპირ დაყენებულ საკითხს გვერდი აუხვიოს და სინამდვილე ბურჟუში გახვიოს. ასე, მაგალითად, ამ ბოლო დროს საბჭოთა სტატისტიკა აქვეყნებს უმთავრესად მდგომარეობის არა პირდაპირ ცნობებს—წონას, ზომას, სივრცეს და სხვ.—არამედ პროცენტულ შედარებას ერთი კუთხის წარმოებისას მეორე კუთხის წარმოებასთან, მეურნეობის ერთი დარგისას მეორესთან, ახლანდელ მდგომარეობისას წარსულთან, ერთი მოკავშირე რესპუბლიკის საერთო მდგომარეობისას მეორესთან და სხვ. 1913 წელთან შედარებით—ხშირად ამოვიკითხავთ ხოლმე საბჭოთა სტატისტიკაში—სახალხო მეურნეობის ეს თუ ის დარგი 200—300 და მეტი პროცენტით გაიზარდა, განსაზღვრულ ვადის განმავლობაში; ხოლო ეს სტატისტიკა იმის თქმას ერიდება, თუ კონკრეტულათ, და არა პროცენტულათ, და საკუთარ მოსახლეობის ზრდასთან და სხვა ქვეყნებთან შედარებით, როგორი არის არსებული მდგომარეობის სურათი და რამდენი იხარჯება მთელი კავშირის საერთო თანხებიდან სხვადასხვა მოკავშირე რესპუბლიკებზე, რანაირი ხასიათის არის ეს ხარჯი, რა მოაქვს მას ადგილობრივ მოსახლეობისთვის და რა მიაქვს მისგან.

სავსებით ნორმალური იქნებოდა, რომ განაპირა ქვეყნებში ახლა მეტი იხარჯებოდეს, ვინემ წინათ; ამას მოითხოვს, როგორც მოთხოვნილება მათი ბუნებრივი რესურსების უკეთესად გამოყენების, ისე ის გარემოებაც, რომ ძველათ და დიდი ხნის განმავლობაში ცენტრალური რაიონი იმპერიის, ეკონომიურ თვალსაზრისით, პრივილეგიურ მდგომარეობაში იმყოფებოდა «განაპირებთან» შედარებით; მაგრამ ეს ასე არ ხდება, ძველი წესი ფაქტიურათ ძალაში დარჩა, და ასეთ პირობებში ლაპარაკი განაპირა რესპუბლიკებზე თითქოს განსაკუთრებულ ზრუნვის შესახებ სინამდვილეს არ შეეფერება.

გავეცნოთ ახლანდელ მდგომარეობის დამახასიათებელ ცნობებს^{*)}:

	დაისარჯა ხაერთოდ წარმოებაში ჩადებულ თანხიდან რესპუბლიკებში 1946—1950 წ.წ. (პროცენტულათ)	რესპუბლიკის მოსახლეობა წარმოადგენს მთელი კავშირის მოსახლეობის (პროცენტულათ)
რუს. ს. ფედ. ს. რუს.—ში	60,52	57,00
უკრაინის	20,66	20,80
ბელორუსიის	2,90	4,00
საქართველოს	1,70	1,95
აზერბაიჯანის	2,47	1,57
სომხეთის	0,59	0,77
ლიტვის	0,64	1,36
ლატვიის	0,86	1,19 და სხვ.

ზემოთ მოყვანილ ცნობებიდან ნათლათ სჩანს შემდეგი: ეროვნულ (განაპირა) რესპუბლიკათა დიდი უმრავლესობა, პროცენტულათ და თავის მოსახლეობის საბჭოთა კავშირის მოსახლეობის საერთო რიცხვთან შედარებით, უმეტეს შემთხვევაში იღებს მეურნეობის განვითარებისთვის, ვინემ იღებს რუსეთის ს. ფედ. ს. რესპუბლიკა. მაგალითად: საქართველოს მოსახლეობა შეადგენს საბჭოთა კავშირის მთელი მოსახლეობის 1,95 პროცენტს; იღებს კი იგი მთელი «კავშირის» წარმოებაში ჩადებულ თანხების მხოლოდ 1,70 პროც. ასეთივეა დაახლოებით მდგომარეობა თითქმის ყველა მოკავშირე რესპუბლიკების, გარდა რუსეთის ს. ფედ. ს. რესპუბლიკისა; ამ უკანასკნელის მოსახლეობა წარმოადგენს მთელი «კავშირის» მოსახლეობის 57 პროცენტს; იღებს კი მეურნეობაზე მთელ კავშირში გაწეულ ხარჯების 60,52 პროცენტს. არა-რუს რესპუბლიკებიდან გამონაკლისს წარმოადგენს აგრედვე აზერბაიჯანი და ეს აიხსნება იმით, რომ «ცენტრს» ესაჭიროება ნავთი, ხლო ნავთის უმთავრესი საბადოები ბაქოს რაიონში იმყოფება.

ასე ჰქრება სინამდვილის სურათზე ერთი დიდი ზღაპარი იმის შესახებ, რომ ვითომ განაპირა მოკავშირე რესპუბლიკების განვითარებას საბჭოთა კავშირის მთავრობა განსაკუთრებულ ყურადღებით ეპყრობოდა.

ახლა ვიკითხოთ: ის, რაც კეთდება ადგილობრივთ ეროვნულ რესპუბლიკებში, იგი მინც თუ კეთდება ამ რესპუბლიკების მოსახლეობის აუცილებელ საჭიროებათა დასაკმაყოფილებლად?

^{*)} ვსარგებლობ მიუნხენის ინსტიტუტის «მოამბე»-ში № 6/13—1954 წ. დოკ. ა. პოლიუკოს წერილში მოყვანილ ცნობებს, თუმცა მის ზოგიერთ დასკვნებს არ ვეთანხმები.

ფილებლათ და ადგილობრივი წარმოება თუ ვითარდება ისე, რომ შორიდან არ აქვთ მათ საქონელი შემოსატანი?

ყველასთვის ცნობილი ამბავია, რომ მძიმე მრეწველობის განვითარებას—და ამაში ძალიან დიდი როლი უჭირავს სამხედრო მრეწველობას—მსხვერპლათ შეეწირა საბჭოთა კავშირის მსუბუქი მრეწველობის და სოფლის მეურნეობის განვითარება. საქართველოში, მაგალითად, მანქანების დალითონის-გადამამუშავებელი მრეწველობა გაზრდილა 181 მილ. მანეთის ღირებულებებიდან (1940 წ.) 477 მილ. მანეთის ღირებულებამდის (1943 წ.) ესე იგი: გაზრდილა 2,6 ჯელ. რაც შეეხება პირველ მოთხოვნილების საგნების დამზადებას, აქ საქართველო—და ასეთივეა მდგომარეობა სხვა განაპირა რესპუბლიკებშიც—შეტანილია საბჭოთა კავშირის საერთო ქსელში და «ცენტრის» მიერ ამ საგნისთვის დამუშავებულ გეგმებს მიყვება. ამ გეგმების მიხედვით, პირველ მოთხოვნილების საგნების დამზადება ძალიან მცირე როლს თამაშობს, მოსახლეობის რაოდენობასთან შედარებით, როგორც ჩვენში, ისე სხვა განაპირა არა-რუს რესპუბლიკებში, და უფრო თვალსაჩინო როლს რუსეთის ს. ფედ. ს. რესპუბლიკაში.

ასე, თუმცა რუსეთის სოც. ფედ. ს. რესპუბლიკის მოსახლეობა წარმოადგენს მთელი კავშირის მოსახლეობის 57 პროცენტს, იქ მზადდება მთელი კავშირის წარმოების: ელექტრონის—69,8 პროც., ავტომობილის—91,3 პროც., ბამბის ნაქსოვის—89,2 პროც., შალის—80,9 პროც., მცენარეულ ზეთის—36,9 პროც., კარაქის 57,4 პროც., ხორცის—56,2 პროც., თევზის—85,6 პროც. და სხვ. საქართველოში მთელი კავშირის მოსახლეობის 1,95 პროც. ცხოვრობს; ზემოთ მოყვანილი წარმოების აქაური პროდუქცია უდრის: ელექტრონის—1,6 პროც., ავტომობილის—3,0 პროც., ბამბის ნაქსოვის—0 პროც., შალის 2,4 პროც., აბრეშუმის ნაქსოვების—4,9 პროც., მცენარეულ ზეთის—0,4 პროც., კარაქის—0,4 პროც., ხორცის—1,2 პროც., თევზის—0,3 პროც. და სხვ. ასეთივეა მდგომარეობა, დაახლოებით, სხვა განაპირა რესპუბლიკებშიც. გამოწვევის წარმოადგენს ამ რესპუბლიკებში ის საგნები, რომელნიც უმთავრესად «ცენტრს» ან სხვა რესპუბლიკებს ესაჭიროებათ; ასეთი საგნების დამზადებაში პროცენტულათ მეტი ადგილი უჭირავს, მაგალითად, საქართველოში: ავტომობილის წარმოებას—(3,0 პროც.), აბრეშუმის ნაქსოვს—(4,9 პროც.) და სხვ. სულ სხვაა კიდევ ამ მხრივ «ცენტრის» გეგმებზე ჩვენში მოწყობილ წარმოებათა ჩაის, ციტრუსების და სხვების როლი.

ამაირად, მოკავშირე რესპუბლიკების ხვედრია (იმათი, განაპირაზე რომ არსებობენ და ამავე დროს არა-რუსის რესპუბლიკებია) თავის აუცილებელი მოთხოვნილების საგნების შემოტანა «ცენტრის» და სხვა რაიონებში არსებულ ქარხნებიდან და არა საკუთარ წარმოებით თავის მოთხოვნილებათა დაკმაყოფილება.

ამის გამო შექმნილია მეტად ახირებული მდგომარეობა: ვითომ მრეწველობა საერთოდ დიახაც ვითარდება საბჭოთა კავშირში, ხოლო ამავე დროს პირველ მოთხოვნილების საქონელმა დამზადების ადგილიდან მომხმარებელს რომ მიღწიოს, უნდა გაიაროს საშუალოდ: ნაქსოვებმა—1.200 კილომეტრი, ტანსაცმელმა—1.500 კილომ., ფეხსაცმელმა—1.600 კილომ. და სხ. *)

ახსნა მრეწველობის გადანაწილების განაპირებიდან «ცენტრისკენ» მხოლოდ სამხედრო (სტრატეგიულ) მოსაზრებით, როგორც ზოგიერთი ფიქრობს, სრულებით არ არის დამაკმაყოფილებელი; ეს არ შეეფერება ადგილებრივ მცხოვრებთა ინტერესებს; არც ერთ ქვეყანას—შესაძლებელ ომის მოლოდინში—განაპირა ქვეყნების ინტერესები «ცენტრის» ინტერესებით არ განუსაზღვრავს და მათი ეკონომიური განვითარება ამ მოსაზრებით არ დაუბრკოლებია: ავიაცია და ატომის ბომბი ახლა ყველაფერს სწვდება! ამიტომ საბჭოთა პოლიტიკა მრეწველობის გადანაწილების შეიძლება უფრო აიხსნას იმით, რომ განაპირა რესპუბლიკების ინტერესი (არა-რუსები რომ არიან დასახლებული) მსხვერპლათ ეწირება რუს. ს. ფედ. ს. რესპუბლიკის ინტერესებს (ეს უკანასკნელი უმთავრესად რუსებით არის დასახლებული). ასეთი ცენტრალისტური პოლიტიკა იმავე დროს ნაციონალისტურ ხასიათს რომ იღებს, ამას მოწმობს სხვა გარემოებანიც.

მაგალითად, ასეთივე პოლიტიკურ, და არა სახალხო მეურნეობის განვითარების მიზნებს ემსახურება საბჭოთა კავშირის ხელისუფლება, როცა იგი ვითომ სოფლის მეურნეობის განვითარების გამოკეთებას შეუდგა «ყამირი და ნასენი მიწების» დამუშავებას და ამისთვის მოსახლეობის თავისი ისტორიულათ შექმნილ და შეთვისებულ მიწა-წყლიდან ყრის და უდაბნო ადგილებში გადასახლებლათ ამზადებს.

სივრცე, სოფლის მეურნეობის მოსავლის გასადიდებლათ, არ აკლია არც «ცენტრს» და არც «განაპირა» რესპუბლიკებს თავის საკუთარ რესპუბლიკის ფარგლებში. და თუ ხელისუფლება სოფლის მეურნეობის ვითომ მოწესრიგებას ხალხის ერთი ადგილიდან მეორე ადგილზე, და განსაკუთრებით ერთი ეროვნულ რესპუბლიკიდან მეორე ეროვნულ რესპუბლიკაში, გადასახლებით ფიქრობს,—ვის შეუძლია არ იფიქროს, რომ ამ შემთხვევაში მის ნაბიჯს პოლიტიკა უდევს საფუძვლათ და არა სახალხო მეურნეობის წარმატების მიზნები? ევროპის ქვეყნებში მიწის სივიწროვეს დასძლიეს სოფლის მეურნეობის ინტენსიფიკაციით, ესე იგი: მიწის უკეთესად მოვლით, სამეურნეო იარაღების, ხელოვნურ სასუქის და საზოგადოთ სოფლის მეურნეობაში ცოდნის შეტანით და სოფლის ნაწარმოების ბაზრებთან დაახლოებით და სხვ.

*) იქვე.

დაეტყო ამ მხრივ საბჭოთა კავშირის სოფლის მეურნეობას რაიმე პროგრესი? მაგალითად, ნათესების მოსავალი ერთი მეორეზე არ აღემატება წლიდან-წლამდის 900—1000 კილოგრამს ჰექტარზე; დასავლეთ ევროპის ქვეყნებში კი პურის მოსავალი, მაგალითად, უდრის ჰექტარზე: საფრანგეთში—1400 კილოგრამს, შვეციაში—2100 კილოგ., ბელგიაში—2500 კილოგ., დანიაში—2780 კილოგ., ჰოლანდიაში—2800 კილოგ. და სხვ. მოსავალის გასამკვეცებაზე ნუ ვილაპარაკებთ, მისი გაორკვეცებაც კი გაცილებით მეტს მოსახლეობას გამოკვეცს, საბჭოთა კავშირის მასშტაბით, ვინემ 20—30 მილიონ ჰექტარის «ყამირი და ნასვენ მიწის ათვისება». ამისთვის არც მოსახლეობის თავის ფუძიდან აყრა იქნება საჭირო და არც იმის აწიოკება.

მაგრამ, კიდევ უნდა გავიმეოროთ: აქაც პოლიტიკა თამაშობს უმთავრეს როლს და არა ეკონომიურ წარმატების მოსახრებანი. საბჭოთა კავშირის ხელისუფლებას სურს მთელი კავშირის მოსახლეობა გასთქვიფოს ერთი-მეორეში, შეჩვეულ კერას მოსწყვიტოს იგი, წაშალოს იმის ეროვნული სახე, მოსპოს მისი ეროვნული ინდივიდუალობა. კერა, ერთ ისტორიულ პირობებში შექმნილი, ერთი ენით, ხნე-ჩვეულებით, კულტურულ და ეროვნულ შეგნებით შეკავშირებული მას უნდა დაშალოს; მას უნდა ხელოვნურათ და ძალდატანებით ერთად შეყაროს ხალხი, რომელსაც ერთი მეორის არ ესმის, ერთი მეორეს არ იცნობს და ერთი მეორეს ნდობით ვერ მოეპყრობა. ხელისუფლების სურვილია დაუპირდაპიროს ერთი მეორეს მოკავშირე რესპუბლიკების მოსახლეობა, რათა უფრო ადვილათ იბატონოს ორივე მოპირდაპირეზე. კოტრადება კოლექტიურ მეურნეობის ძალით შექმნის იდილია სოფლის მეურნეობაში; იწყება ახალი ხანა «ყამირი და ნასვენ მიწების ათვისების», რომლის საშვალეებით ერთხელ კიდევ ააწიოკებენ მოსახლეობას; და ააწიოკებენ ახლაც სრულიად უშედეგათ, თუ წესი მეურნეობის იგივე დარჩა, რაც იყო და არის.

გლეხი ხელახლა უნდა დაეპატრონოს მიწას და იგი მოსკოვის საბჭოთა ბიუროკრატის კნუტის ქვეშე კი არ უნდა აწყობდეს თავის სამეურნეო საქმეებს, არამედ თავისუფლათ, როგორც თავის შრომის და თავის ნაწარმოების სრული პატრონი; მხოლოდ ეს უშველის სოფლის მეურნეობასაც. მაგრამ საბჭოთა ხელისუფლება ამ გზას რომ ვერ გაყვება, ამას მოწმობს საბჭოთა კავშირის ყოველდღიური ცხოვრების ქრონიკა.

კომუნისტური განხეთები ვერც კი ამჩნევენ, თუ რა უმზგავსობას ამ მხრივ აქვეყნებენ ისინი ხშირად თავის ფურცლებზე.

1. სოფელ ბაყმარში (ზნაურის რაიონში, მდინარე ფრო-

ნის ნაპირზე) ააშენეს ახალი სახლებიო, გადმოგვცემს გაზ. «კომუნისტი»-ს კორესპოდენტი *); ამ ახალ სახლებში ამ დღეებში «გადავლენ კოლმეურნეები ს. ვანევი, დ. თედევი, ა. ვანევი და სხვები». ო, დასძენს იგი. ალბათ ესენი ის «კოლმეურნეებია», რომელნიც წარმოადგენენ ქართლის შუაგულში ჩასახლებულს, გარედან მოსულ ხალხს, აქაურ სოფლის მეურნეობის «ასაყვავებლათ»... დაგიჯეროთ, ახალ მოსულებს «ახალ სახლებში» რომ ასახლებენ, ამ კუთხის ძველი ქართული მოსახლეობა უკვე მოწყობილია და ბინებით დაკმაყოფილებული? ეს დაუჯერებელია.

2. ქართველ მოსახლეობისთვის სულ სხვანაირი პერსპექტივებია წინ გადაშლილი. მაგალითად, თბილისში, როგორც გვატყობინებს იგივე გაზეთი **), იკრიბებიან ახლა ქართველი «ახალგაზრდა პატრიოტები» და ამ კრებებზე გამოდიან ო. სუღაძე, ვ. ძამაშვილი, რ. ლომაძე, ი. ოქრუაშვილი, ჯანელიძე და სხვები და «მგრძნებარე პატრიოტულ სიტყვებს» წარმოსთქვამენ «ყამირი და ნასვენო მიწების ასათვისებლათ» მიმავალ ქართველ «ახალგაზრდა პატრიოტების» წინაშე...

ასეთია ცოცხალი სურათები ჩვენი ქვეყნის დღევანდელ სინამდვილის. რამდენათ ჩვენში ადგილი აქვს აღმშენებლობას, იმდენათ იმაში ფართო ადგილს (და არა მარტო «ახალ სახლებს») იჭერენ უპირველეს ყოვლისა ვანევეები და ფედევეები: ხოლო, რამდენათ «ყამირი და ნასვენო მიწის ასათვისებლათ» საჭიროა მუშა-ხელი, ამისთვის თავს უყრიან სუღაძეებს, ლომაძეებს, ძამაშვილებს, ჯანელიძეებს და სხვებს და მათ «პატრიოტულ» სიტყვებს ალაპარაკებენ ქართველი ხალხის დასაჯერებლათ, რომ ადგილობრივი მოსახლეობის კეთილდღეობა მოითხოვს, რათა თვითონ აიყარონ მამა პაპის მიერ შექმნილ კერიდან და, ვინ იცის სად, გადასახლდენ ახალ სამშობლოს მოსაპოებლათ; ჩვენში კი გარედან მოყვანილი ხალხი უნდა ჩამოსახლდეს!...

ეს ორი ამბავი—და ასეთები ბევრია—სიმბოლიური ასახვა არის ქართველი ხალხის და საქართველოს დღევანდელ მდგომარეობის. ამავე მდგომარეობაში იმყოფებიან სხვა განაპირა. არა რუსის რესპუბლიკებიც; საკმარისია მოვიგონოთ ჩრდილოეთ კავკასიაში, ბალტიის ქვეყნებში და სხვაგან მომხდარი ამბები. ვუწოდებთ ამას ეკონომიურ ცენტრალიზმს, სამხედრო სტრატეგიით გამოწვეულ მდგომარეობას თუ თავაშვებულ ნაციონალიზმს, სულ ერთია. ხალხისთვის იმას ერთი და იგივე შედეგი მოაქვს, შედეგი ერის გამანადგურებელი.

ა. ბ.

*) იხ. «კომუნისტი» 2.3.1955 წ.

**) «კომუნისტი» 8.3.1955 წ.

მ ც ი რ ა შ ე ნ ი შ ვ ნ ე ბ ი

ს ა მ რ თ ა შ ო რ ი ს ო პ ო ლ ი ტ ი კ ა ჯ ე მ ი

I.

შუა და ახლო აღმოსავლეთში მომხდარი პოლიტიკური ვითარებანი სამართლიანათ იპყრობს ევროპის საზოგადოებრივ აზრის ყურადღებას. ატლანტიკის კავშირის აქტიური პოლიტიკა გზას იკაფავს, პოზიციებს იპყრობს, თავისუფალ ქვეყნების თავდაცვითი გეგმას აძლიერებს, პაკისტან-ოსმალეთის ცნობილ პაქტს ესლა ოსმალეთ-ირაყის მეგობრული ხელშეკრულება დაემატა. ამ ვითარების მიზანია არა მარტო ამ ორ მეზობელ ერთა დაახლოვება, არამედ არაბთა ქვეყნების ატლანტიკის პოზიციებზე გადმოყვანა, მათი სტრატეგიული და ეკონომიური შესაძლებლობის გამოყენება. ირაყის მიერ აღებულ პოზიციამ,—არაბთა ლიგის მხრივ,—პროტესტი გამოიწვია; ეს გასაგებია, თუ გავიხსენებთ, რომ ირაყი, წმინდა არაბული ქვეყანა, არაბთა ლიგის სულის ჩამდგმელი იყო და მისი საგარეო პოლიტიკის ხაზის მიმცემი. ეგვიპტემ, სირიამ და სხვებმა ოსმალეთ-ირაყის პოლიტიკურ აქტში დაინახეს არა მარტო ლიგის დაშლა, არამედ ზოგიერთ დასავლეთ სახელმწიფოს გავლენის განახლება და გაძლიერება, საკუთარ ნაციონალურ ინტერესთა შეებლაღვა. მოსკოვმა არ დააყოვნა არაბთა ქვეყნების სიფრთხილე, შიში, უთანხმოება საკუთარ მიზნებისთვის გამოეყენებია. «პრავდა»-ს ფურცლები აჭრელდა წერილებით ამერიკა-ინგლისის აგრესიულ განზრახვებზე...

მოსკოვმა უდიდესი სიმპატიებით თავის მფარველობის ქვეშ დააყენა არაბთა ლიგაში დარჩენილი ერები. ერთამყრობელი და მჩაგვრელი არაბთა ქვეყნების დამოუკიდებლობის როლში გამოვიდა. ვინ არ იცის დღეს თუ მოსკოვის ღიმილში რა ეშმაკური შინაარსი იმალება. მისმა მფარველობამ მხოლოდ დააფრთხო და დააშინა თავისუფლების და დამოუკიდებლობის მოყვარული არაბთა ერები. პირველი დღეების შიშმა ადგილი დაუთმო შერიგების სურვილს.—დასავლეთის ქვეყნებთან საერთო პოზიციების გამოსანახავად. ინგლისის მიმხრობა ოსმალეთ-ირაყის პაქტისადმი კიდევ უფრო აჩქარებს არაბთა ქვეყნების დაახლოვებას ატლანტიკის კავშირთან. ამ მხრივ ფრიად დამახასიათებელია სწორედ ეგვიპტის პრესის გამოსვლა, რომელმაც გადაჭრით დასვა საკითხი: «არჩევანი არ არსებობს, თუ აღმოსავლეთის ქვეყნებს არ სურთ, მოსკოვის მსხვერპლი გახდნენ, ისინი უნდა შეუერთდნენ ატლანტიკის კავშირს»-ო...

შუა და ახლო აღმოსავლეთის ქვეყნების რეალური გონივრული საგარეო პოლიტიკა თანდათანობით წინ ეღობება კრემლის განზრახვებს და თავის ნაციონალურ ინტერესების დაცვას, თავისუფალ ქვეყნების თავდაცვითი გეგმას უფარდება...

II.

ამ დღეებში ინდონეზიის ქალაქ ბრანდინში ადგილი ჰქონდა უაღრესად მნიშვნელოვან თათბირს, რომელსაც დაესწრა აზია-აფრიკის 29 სახელმწიფოს წარმომადგენლები. თათბირის მომწვევეთა განზრახვა იყო, — კოლონიალურ მპყრობელობის წინააღმდეგ გალაშქრება, დასავლეთის პოლიტიკური გავლენის განდევნა. აზია-აფრიკის ქვეყნების ეკონომიურ-კულტურული დაახლოვება და სხვ. თუ ევროპა ამ თათბირს გულცივად შეხვდა, გაპნეულ ერთა თავმოყრა ბუნებრივად ჩასთვალა, მოსკოვმა არ დააყოვნა თავის მოლოცვაში აზია-აფრიკის ქვეყნები — დასავლეთის მიმართ არ გაელხიანებია, საკუთარი თავი ერთა თავისუფლების დამცველის როლში არ გამოეყვანა.

თათბირის მსვლელობამ არ გაამართლა, მონაწილე ერთა პოლიტიკური მთლიანობის არსებობა, ვერც მთლიანი ფორტი გამოსუქდა და არც დასავლეთს დაპირისპირებია. მოხდა მოსალოდნელი. მიმდინარე ეპოქის უაღრესათ განვითარებულ მიმოსვლის საშუალებამ, ერთა ეკონომიურ ინტერესების დაკავშირება-დაახლოვებამ, საკუთარ სუვერენულ უფლებების დაცვისთვის საგარეო კავშირის ძებნის საჭიროებამ, — წაშალა საზღვარი რასიულ სხვაობისა.

თვით თათბირზე წარმოდგენილ ერთა შორის, რომელთა ხსენება ოცი წლის უკან არც კი ყოფილა, — ინტერესთა სხვა და სხვაობა აღმოჩნდა. მიღებული დადგენილებანი, სრულებით არ ანელებს ძირითად საკითხებში პოზიციათა განსხვავებას.

ოსმალეთის, ცეილონის, პაკისტანის, სიამის, სამხრეთ ინდოჩინეთის, ფილიპინის წარმომადგენლებმა თათბირის წინაშე გადაშალეს მოსკოვის კოლონიალურ პოლიტიკის საფრთხე.

ირაკის წარმომადგენლის გამოსვლა ნამდვილი გასამართლება იყო მოსკოვის, მან დახატა საბჭოთა კავშირის ფარგლებში ჩაქუდილ ერთა მდგომარეობა: «მოსკოვის კოლონიალიზმი არის ყველაზე საშინელი, რომელიც დაპყრობილ ერებს გადაგვარებას უქადის, მაშინ როცა დასავლეთის სახელმწიფოებმა ბევრს კოლონიებს დაუბრუნეს დამოუკიდებლობა და საერთოდ განწყობილი არიან კოლონიებთან საერთო ენის გამოსანახავათ»-ო. — განაცხადა მან. მოსკოვის ასეთ გაკიცხვას არ მოელოდა ალბათ მისი მოკავშირე ჩინეთი, რომლის წარმომადგენელი არც ცდილა საჯაროთ მის დამცველად გამოსულიყო, მხოლოდ შესძლო საბოლოო რეზოლიუ-

ციაში მოსკოვი განსაკუთრებით არ ყოფილიყო აღნიშნული, ამ რეზოლიუციაში დაგმეს კოლონიალური მპყრობელობა ყოველგვარ ფორმებში და მოითხოვეს ყველა ერთა თავისუფლება... მოსკოვი ანგარიშში მოსტყუვდა, დასავლეთის თვალში ბეწვს ეძებდა, საკუთარ თვალში რომ დვირე ჰქონდა, ფიქრობდა, ამას ვერავენ დაინახავდა. მისი დიპლომატიის ცდა დასავლეთის გასაკიცხად მარცხით დამთავრდა. არსებითად არც ნეიტრალური პოლიტიკა იქნა მიჩნეული აზია-აფრიკის ეროვნულ ინტერესების დასაცავად. არსებული სამხრეთ-აზიის ცნობილი თავდაცვითი პაქტი კი—კომუნისტურ საშიშროების წინააღმდეგ—საუკეთესო საშუალებათ იქნა აღიარებული... კიდევ მეტი, აზია-აფრიკის მნიშვნელოვან სახელმწიფოთა ატლანტიკის დაახლოვება აშკარა ფაქტია. ეს უდიდესი მნიშვნელობის ფაქტი მოწმობს, რომ თათბირზე წარმოდგენილი აზია-აფრიკის ქვეყნები არა თუ დაუპირისპირდნენ დასავლეთსა და მის ცივილიზაციას, არამედ ისინი ჩათრეული აღმოჩნდნენ მიმდინარე საერთაშორისო ძალთა ჭიდილში, სადაც მათი პოტენციალური შესაძლებლობა აძლიერებს თავისუფალ ერთა უფლების დაცვას და მით კრემლის აგრესიულ განზრახვების გატარებას წინ ელობება...

III.

კრემლის დიპლომატიამ ერთხელ კიდევ მარცხი განიცადა ცივი ომის ასპარეზზე. სანამ პარიზ-ლონდონის ხელშეკრულება რეალურ სახეობას მიიღებდა, იგი ყოველ დღიურად იმუქრებოდა, რატიფიკაციის შემდეგ ყოველგვარ მოლაპარაკებას ევროპასთან შეუძლებლად აღიარებდა. მოთავდა თუ არა რატიფიკაცია ყველა მონაწილე სახელმწიფოთა მიერ, მოსკოვი მეორე დღესვე მშვიდობიანი მოლაპარაკების გზას დაადგა, პირბადე ჩამოიხადა. თავისუფალი ქვეყნები შეეჩვივნ მოსკოვის ფერისცვალებას, თუ გუშინდელ მუქარას ისინი არ დაუშინებია, მისთვის არ დაუთმია, არც მის დღევანდელ სამეგობრო ნატებისთვის დიდი ნდობა არ გამოუცხადებია, მის წინადადებას ოთხთა მოლაპარაკების მოსახდენათ სიფრთხილთა და კრიტიკული მიდგომით შეხვდა...

დასავლეთმა კარგად უწყის, რომ მოსკოვისთვის პრესტიჟის საკითხი არ არსებობს. გუშინდელი პოზიციის შეცვლა დღეს მისთვის მისაღებია, ევროპის გაერთიანების ჩასაშლელად მან ორი წელი იბრძოლა, როცა ამ გაერთიანებას საძირკველი ჩაეყარა,—ავსტრიის საკითხში მიუკარებელი სიჯიუტე გამოსცვალა, თითქოს დათმობაც გააკეთა; თუ ეს დათმობაა, რომ ამ ქვეყანამ თავისი დამოუკიდებლობა დაიბრუნა. ავსტრიის საკითხი,—მოსკოვის ხელში იარაღი იყო, ევროპის გაერთიანების ჩასაშლელად; ესლა კი იგი ცდილობს ახალი ვითარების თავის სასარგებლოთ გამოყენებას. ავსტრიის დატოვებით გერმანიის საზოგადოებრივ აზრის მიმხრობას,

გერმანიის ატლანტიკის კავშირში შეყვანის შეფერხებას. აღმოსავლეთ ავსტრიიდან საოკუპაციო ჯარების გაყვანაზე თუ თანხმდება, ამ ძალების რუმინია-უნგრეთის ტერიტორიაზე დაბანდებით მისი ზურგი უზრუნველყოფილი რჩება.

მოსკოვი არ დააყოვნებს ავსტრიის განთავისუფლებით, მთელი ქვეყნიერების წინაშე საკუთარი თავი მცირე ერთა დამცველის როლში არ წარმოადგინოს. რჩება კი უდიდესი საკითხი გადაუჭრელი, გერმანიის ეროვნული სხეულის გამთელებისთვის, მოკავშირენი დიდი ხანია მოითხოვენ თავისუფალ არჩევნებს აღმოსავლეთ გერმანიაში. ამის მიღება კი ნიშნავს მოსკოვის ამ ნაწილიდან აბარგებას. თავისუფლება არ ითმენს მოსკოვს, უკანასკნელსაც ეშინია მისი მოახლოების...

IV.

დასავლეთ გერმანიამ დაიკავა თავისი ადგილი საერთაშორისო ასპარეზზე. ის ვითარცა სუვერენული სახელმწიფო შედის თანასწორი უფლებით ევროპისა და ატლანტიკის კავშირში. მას მიეცა უფლება შეიარაღების. ეს უდიდესი ისტორიული ფაქტი უსათუოდ აჩქარებს მოვლენათა მსვლელობას, ცივი ომის მიმართულებას, აღმოსავლეთ-დასავლეთის დამოკიდებულებას. ოთხთა კონფერენციისთვის მზადება სწარმოებს.

შესაძლებელია კი ძირითად საკითხებში შეთანხმება?.. გულწრფელად სურს მოსკოვს გერმანიის გაერთიანება?.. ან დაუშვებს კი მოსკოვი საერთაშორისო კონტროლს შეიარაღების საქმეში?... ევროპის საზოგადოებრივი აზრი ირყევა, ტოტემანობს, — მოსკოვის მომავალ განზრახვების შეფასებაში. ნაწილი ე. წ. «ნეიტრალებისა» ხედავს მოსკოვის გულწრფელ ნაბიჯს, მშვიდობიანობას მოწყურებული იგი ეპოტინება ყოველგვარ ილიუზიებს, მოსკოვიც რამოდენიმე თაბუნიდაც ამყარებს იმედს.

ევროპის გამთელება, ატლანტიკის კავშირის გაძლიერება მას უკარნახებს, ლენინის რჩევა გაიხსენოს «შესვენების, შეგუებისა და სულის მოთქმის»... თანაარსებობის საკითხი კვლავ მთელი სიძლიერით ისმის. მოსკოვს სჭირდება კაცობრიობას მისი შესაძლებლობა უმტკიცოს, რადგან «ვიგნოთ იგი უდიდეს დაბრკოლებებს განიცდის; კრიზისი სასოფლო მეურნეობაში. სატელიტებში მწვავე ეკონომიური კრიზისი, მსუბუქი ინდუსტრიის დასუსტება, გამოწვეული — ბრუშჩოვის მძიმე ინდუსტრიის გეგმით და სხ. როგორც არა ერთჯერ წარსულში, მიეშველება საბჭოთა რუსეთს საგარეო ფაქტორები, რომ ის კვლავ წელში გაიმართოს?... ვინც ოდნავ უკვირდება უკანასკნელ წლებების პოლიტიკურ მსვლელობათა განვითარებას, კაცობრიობის საუბედუროთ — სამწუხარო დასკვნების გამოტანა შეუძლებელი არაა...

ახლო მომავალი უდიდეს ამბებს გვიმზადებს!

პ. ხარჯველაძე.

ავსტრიის თავისუფლება.

რვა წლის ტყვეობის შემდეგ კვლავ ეღიროს ავსტრიის ერს თავისუფლება. დამოუკიდებელი, შინ და გარეთ თავის თავის პატრონი კვლავ შეუდგება მშვიდად და წყნარად საკუთარ ცხოვრების მოწყობას. მას ვნახავთ საკაცობრიო ასპარეზზე გამოსულს, საერთაშორისო ფერხულში ჩაბმულს, თავის ეროვნული დროშით თავისუფალ ერთა ოჯახში სრულ უფლებიან, თანაბარ და თანასწორ წევრათ.

ჩვენ მათ ბედს შევნატრით; სიხარულით და გულის სიამით ულოცავთ ავსტრიის ხალხს ამ ბედნიერებას.

განვიღო რვა წლის მანძილზე ჩვენც ვგარდობდით მათ განცდას, გულის ღელვას და შიშს, როცა რუსეთის წითელი ვეშაპი ჩამოწვა მათ დედა ქალაქში და მუდამ პირდაღებულ მზათ იყო გადაეყლაპა შვიდმილიონიანი მშვიდობის მოტრფიალე ერი.

დღიდგან ავსტრიის ოკუპაციისა კრემლის მიზანი ხომ ის იყო, რომ ვენა გაეხადა თავის დასაყრდნობ წერტილათ, საიდანაც მას უნდოდა გაეგრცელებინა თავის გავლენა დასავლეთზე, სხვათა, ჯერ კიდევ თავისუფლათ დარჩენილ, ერთა დასაპყრობათ და დასამონებლათ. და თუ მან ეს ვერ შესძლო, ამაში დიდი და გადამწყვეტი როლი ითამაშა თვით ავსტრიის ხალხმა, რომლის პატრიოტული შეგნება, მხნეობა და თავდადება, მტკიცე ეროვნული ერთობა და დისციპლინა, მუდამ ფხიზელი და ფრთხილი მოქნილი მოქმედება სამაგალითოთ დარჩება უცხო ძალის ბატონობის ქვეშ მყოფ ჩაგრულ ერთათვის. რუსეთმა ვერ გასტეხა ავსტრიელი ვერც სულიერათ, ვერც ფიზიკურათ. ავსტრიაში არ გამოდგა მოსკოველთა ჩვეულებრივი ხერხი—ხალხისაგან გარიყული, სამშობლოს მოლაღატე კომუნისტურ უმნიშვნელო ჯგუფის შემწეობით ჩაეგდო ხელში ძალაუფლება და რესპუბლიკა შიგნიდან აფეთქებინა. არ მიიღო ავსტრიის ხალხმა არც უცხო ძალის ბატონობა, არც რუსეთის პოლიტიკური რეჟიმი, არც მისი აზიური კომუნისმი. იგი შერჩა თავის თავს, თავის ისტორიულ საფუძველს და სავალ გზას—დემოკრატიის დროშას და დასავლეთის კულტურას.

შინაურმა პოლიტიკურმა და სოციალურმა საკითხებმა ერს ხელი არ შეუშალა ძმურათ ხელი-ხელს ჩაკიდებულნი გაერთიანებულნი ყოფილიყვნენ ერთ ეროვნულ ფრონტში. რვა წლის განმავლობაში ერთათ იდგნენ რუსეთის კომუნისტური დესპოტიის წინაშე ავსტრიელი მუშა და გლეხი, მრეწველი და ვაჭარი, ხელოსანი და სწავლული, ღვდელი თუ ბერი. აი, სად გამოჩნდა ავსტრიის ერის სიძლიერე, რამაც იგი შეინახა და გადაარჩინა საბჭოების იმპერიაში დამონებულ ერთა ბედს.

გ. გრამე.

რ ა მ ო ზ დ ა ?

(«იქედან» მიღებული ცნობები)

ესარგებლობ შემთხვევით და მინდა გაცნობოთ ზოგი რამ, უკანასკნელად კრემლში მომხდარი «გადატრიალების» შესახებ.

... რათა ნათელი გახდეს მალენკოვის «გადადგომის» ნამდვილი მიზეზები საჭიროა აღინიშნოს ის ძირითადი ფაქტორი საბჭოთა ვითარების, რომელიც სტალინის შემდეგ უპირდაპირებს კრემლის ერთ კლასს მეორეს. როგორც არა ერთხელ მოგვიწერია—კრემლში ბრძოლა სწარმოებს, მრავალ სხვა საკითხთა შორის, ორ ძირითად საკითხის ირგვლივ საშინაო და საგარეო პოლიტიკაში. პირველის ძირითადი თეზაა: მძიმე მრეწველობა, მსხვილი სასოფლო მეურნეობა, თუ მსუბუქი წარმოება და კოლექტიურ მეურნეობისათვის არტახების მოშვება, რის შედეგი უნდა იქნეს მოსავლიანობის ზრდა და მოქალაქეთა საცხოვრებელი დონის ამაღლება. მეორეს კი საფუძვლად უდევს: საბჭოთა კავშირის დამოკიდებულება გარეშე მსოფლიოსთან, კომუნისტურია იგი, თუ კაპიტალისტური.

მიუხედავად მალენკოვის «გადადგომისა» და მრავალ ბრძოლა სანოვნიკების საფუძვლიანი «წმენდისა»,—ბრძოლა ამ ორ ძირითად საკითხების ირგვლივ, კრემლის კედლებში, კვლავ გრძელდება. არც ერთი ამითგანი არ გადაჭრილა, ის მხოლოდ გადაიდვა და მომავალი თვეები, ალბად, დიდს და მნიშვნელოვან სიურპრიზებს გვიმზადებს. თუ, რასაკვირველია, დასავლეთი ფხიზლად იქნა და კრემლის «თამაშს» არ აყვა...

მალენკოვის «გადადგომაში»—რა რიგ ეს თქვენ გასაკვირად არ უნდა მოგეჩვენოთ—შინაგან საკითხებმა გაცილებით ნაკლები გავლენა იქონიეს, ვინემ საგარეო ვითარებამ. ამ უკანასკნელ საკითხში ცეკას მდივანსა და მთავრობის თავმჯდომარეს შორის მუდამ არსებობდა უთანხმოება და ბრძოლა: ამ ბრძოლის პირველი მსხვერპლი იყო, სხვა მიზეზთა შორის, ლ. ბერია. ცეკას მდივანი—ნ. ხრუშჩოვი—ცნობილია, როგორც ჩინეთის პოლიტიკის აქტივიზაციის მომხრე და იმის გამოყენების აზრის კონტინენტის სოვეტიზაციისთვის. მალენკოვი კი ამაში ხედავს საომარ პროვოკაციას დასავლეთთან, რისთვისაც დღეს საბჭოთა კავშირი სრულიადაც არ არის მზად. ამ საკითხის ირგვლივ ბრძოლამ მიიღო მწვევე და გადამჭრელი ხასიათი საბჭოთა დელეგაციის—ხრუშჩოვის, ბულგანინის და მიკოიანის მეთაურობით—პეკინიდან დაბრუნების შემდეგ.



49264

როგორც სარწმუნო წყაროებიდან გავიგეთ, პეკინიდან დელეგაციის დაბრუნების შემდეგ სასწრაფოდ მოწვეული იქნა ცეკას საიდუმლო სესია, 15 ნოემბერს 1954 წ., სადაც ხრუშჩოვმა გააკეთა მოხსენება დელეგაციის მუშაობის შესახებ ჩინეთში. ხაზი გაუსვა იმ ახალ ხელშეკრულებებს და ვალდებულებებს, რომლებიც დადებული იქნა დელეგაციის მიერ პეკინსა და მოსკოვს შორის. მოხსენებიდან გამორიკვა, რომ დელეგაციას გაუსტია ზომიანი მეტი ავანსები.

ხრუშჩოვის მოხსენების წინააღმდეგ გაულაშქრია დელეგაციის წევრს—ან. მიქოიანს. მას მხარი დაუჭირეს მალენკოვმა, ვოროშილოვმა და საბუროვმა. რასაკვირველია აღნიშნულ პირებმა ყველაფრის მიწინააღმდეგ გამოიყვანეს ხრუშჩოვი და მას დააბრალეს თავის უფლების გადაჭარბება. მაგრამ ხრუშჩოვის მხარეზე დადგენ დელეგაციის დანარჩენი წევრები ბულგანინის მეთაურობით და შეეცადნენ ატმოსფეროს შენელებას და საშუალო ხაზის აღებას. მაგრამ მდგომარეობა გააშფავდა მოლოტოვის და კოვანოვიჩის გამოსვლამ მალენკოვის წინააღმდეგ. მათ მალენკოვის პოლიტიკა დასახეს, როგორც «სირაქლემას პოლიტიკა». რომელიც, მათი თქმით, შლის და ასუსტებს კრემლის საგარეო პოლიტიკას, მას ხელიდან ეცლება ინიციატივა და ათამამებს იმპერიალისტურ ძალებს გარეთ. შიგნით კი აძლიერებს ოპორტიუნისტულ და მემარჯვენე გადახრების ელემენტებს, როგორც პარტიაში, ისე მუშათა და გლეხთა წრეებში. და მოითხოვენ ამ «ვაკანანალის» აღმოფხვრას.

პლენუმის სხდომები გაგრძელდა სამი დღე. მიუხედავად ცხარე და გრძელი დებატებისა—ვერავითარ კონკრეტულ შედეგს ვერ მიაღწია. მხოლოდ მიუღებელი იქნა დადგენილება, რომლის ძალით ცეკას პრეზიდიუმს მიენდო შეისწავლოს საფუძვლიანად პლენუმზე აღძრული საკითხები, საგარეო და საშინაო მდგომარეობასთან დაკავშირებით, და კომპარტიის ცეკას მომავალ სესიას წარმოუდგინოს. როგორც კონკრეტული ღონისძიებანი, ისე ორგანიზაციული დასკვნები, საბოლოო დადგენილების მისაღებად.

ამრიგად, 1954 წ. ნოემბრიდან—1955 წლის 25 იანვრამდე, ცეკას პრეზიდიუმის მიერ ხდებოდა შესაფერისი «დამუშავება» ყველა ძირითადი საკითხების, რომელიც მიმდინარეობდა. რასაკვირველია, ხრუშჩოვის პირდაპირი ხელმძღვანელობით. ამ უკანასკნელმა ცეკას ნოემბრის დადგენილებაში, რატომღაც, დაინახა მისთვის ხელსაყრელი მომენტის დადგომა; ერთი დაკვრით მალენკოვის და მისი ამჟამინდელი განადგურების შესაძლებლობა. ხრუშჩოვიც შეუდგა თავის საიდუმლო ინტრიგების სამზადისს. მაგრამ, ისე უხეშად და უტაქტოდ ჩაატარა იგი, რომ იმის მოქმედებამ საშინელი რყევა და არეუ-დარევა გამოიწვია მართველ წრეებში და დააფრთხო თვით ცეკას პრეზიდიუმის უმრავლესობაც.

აი, ასეთი ფსიქოლოგიური არეგ-დარევის პირობებში იქნა მოწვეული ცუკას იანვრის პლენუმში, ესლა უკვე ოფიციალურად. პლენუმზე ხრუშჩოვი წარსდგა ვრცელი მოხსენებით და თავის დასკვნებში მოითხოვდა მალენკოვის და მისიანების «გასამართლებას», როგორც «საბოტაჟიკების და მემარჯვენე გადახრების მეთაურების». მოხსენებამ მეტად ცხარე კამათი გამოიწვია და საეჭვო გახდა იმის მიღება იმ სახით, როგორც იგი წარდგენილი იყო. აშკარა შეიქნა, რომ უკომპრომისოდ შეუძლებელი იყო შექმნილ მდგომარეობიდან გამოსვლა. ამიტომ ხრუშჩოვმა არჩია უკან დახვევა და დაავალა თავის მარჯვენა ხელს—პერეჟუხინს—შემოეტანა კომპრომისული წინადადება. ამ კომპრომისის მიხედვით მალენკოვი სტრუგების თავმჯდომარეობას, მაგრამ რჩება მთავრობაში მინისტრად. მთავრობის პრეზიდენტი დგება 7 წევრისაგან; 4 ხრუშჩოვის მომხრე, 3 მალენკოვის მეგობრებიდან. ეგვევ პრეზორცია ვრცელდება მთავრობის დანარჩენ წევრებზედ. წინადადების ამ ნაწილმა გამოიწვია მალენკოვის და მისი მომხრეების სასტიკი პროტესტი. მაგრამ იგი მაინც მიღებული იქნა უმრავლესობით. აგრეთვე უმრავლესობით მიღებული იქნა უმაღლესი საბჭოს მოწვევა და იქ ყველა ცვლილებების დადასტურება და ვრცელი მოხსენებით გამოსვლა საბჭოთა კავშირის საშინაო და საგარეო მდგომარეობაზე, სადაც აშკარად იქნება აღებული ხაზი «მტკიცე პოლიტიკაზე».

დიდი დავა გამოუწვევია პერეჟუხინის წინადადებას მთავრობის თავმჯდომარის კანდიდატურაზე. იმის წინადადებით უნდა აერჩიათ მოლოტოვი, მაგრამ ამის წინააღმდეგ წასულა არა მარტო ოპოზიცია, არამედ პლენუმის უმრავლესობაც. ბოლოს და ბოლოს «კომპრომისის» შესანარჩუნებლად ხრუშჩოვი დასთანხმდა ბულგანინის კანდიდატურას, სამაგიეროდ უარყოფილი იქნა ვოროშილოვის წინადადება, რათა მოხსენებით ძირითად საკითხებზე გამოსულიყო არა მოლოტოვი, არამედ ახალი თავმჯდომარე—ბულგანინი.

მოლოტოვის მოხსენება სავსებით ემყარება ხრუშჩოვის თეზისებს; ხოლო ეს უკანასკნელი კი არასოდეს ყოფილა გამოქვეყნებული სავსებით. ვიცით მხოლოდ, რომ მისი საიდუმლო ნაწილი, ორ მთავარ ფრონტზე ქმნის სრულიად ახალ ვითარებას. საშინაო ფრონტზე წამოყენებულია ახალი ლოზუნგი: უკან სტალინიზმისაკენ; დახურვა ყველა იმედების მოსახლეობის მდგომარეობის გაუმჯობესობაზე და იმის კეთილდღეობაზე; ყველაფერი ჯარს—და ამ გზით მიმართვა კავშირის მთელი სამეურნეო გეზის ისე, რომ სავსებით უზრუნველყოფილი იქნეს საჭირო რესურსებით, არა მარტო წითელი ჯარი, არამედ ჩვენი მეგობრები, სახალხო დემოკრატიის ქვეყნები, აზიაში და ევროპაში.

ხოლო საგარეო პოლიტიკაში: აშკარა მხარის დაქერა ჩინეთის ყოველგვარ აგრესიისათვის აზიაში. ამავე დროს

«თამაშის» გაგრძელება დასავლეთის მოკავშირეთა დასაშა-
ლად და «პარიზის მოთანხმებათა» ყოველივე ზომებით ჩასა-
შალად. მაგრამ, თუ ეს ტაქტიკა არ გასჭირის, მაშინ დათან-
ხმება მოლაპარაკებებზე და ზოგიერთ საგრძნობ დათმობებზე-
დაც ევროპაში, რათა ამით აცილებული იქნეს პირდაპირი
ომის საშიშროება ჩვენსა და დასავლეთს შორის მიმდინარე
პერიოდში.

როგორც სარწმუნო წყაროებიდან გვატყობინებენ, იანვ-
რის პლენუმზე დიდი სიტყვით გამოსულა მარშალი ჟუკოვი-
იგი თავის სიტყვაში გარკვევით იცავდა ხრუმხოვის თეზას
ჩინეთის საკითხში და საჭიროდ სთვლიდა, სტრატეგიული
მოსახრებით, ჩინეთის აგრესიული მისწრაფებების წაქეზებას
და გამოყენებას აზიაში. სამაგიეროდ, იგი კატეგორიულად
წინააღმდეგი წასულა მძიმე ინდუსტრიის საკითხში ურა პო-
ლიტიკის წარმოების და მოითხოვდა სათანადო ყურადღების
მიქცევას მსუბუქი ინდუსტრიისათვისაც. ამასთან ერთად იგი
მოითხოვდა უფრო შემარიგებელი პოლიტიკის წარმოებას
დასავლეთით და ყოველივე ზომების მიღებას გერმანიის სა-
ნეიტრალიზაციოთ. ჟუკოვი, აგრეთვე, სასტიკი წინააღმდეგი
წასულა რაიმე «სისხლიანი» რეპრესიების პარტიულ ურთი-
ერთობაში და «შიში» გამოუთქვამს: «თუ ამ გზას დავადე-
ქით (!), მალე იძულებული ვიქნებით რეჟიმსაც გამოვეთხო-
ვით»-ო...

ამავე სდომაზე ხრუმხოვის განცხადებას, რომ «უნდა
ვქნათ ყველაფერი, რაც კი ჩვენზეა დამოკიდებული, რათა
ამერიკა-ჩინეთს შორის ომი მიუცილებელი გახდესო», გამო-
უწვევია მალენკოვის გესლიანი რეპლიკა: «ტყვილა ფიქრობს
ამხ. ხრუმხოვი, რომ ვაშინგტონში სხედან ბრიყვები. ომი
ამერიკასა და ჩინეთს შორის, ყოვლის უპირველესად ნიშნავს
ომს მოსკოვსა და ვაშინგტონს შორის, ყველა იმ საშინელი
ატომიური შედეგებით, რომლის დასკვნა იქნება ცივილიზა-
ციის განადგურება. ამიტომ ცეკას ვაღია ფხიზლად ადვენოს-
თვალ-ყური ჩინეთის ხელმძღვანელობას, რათა ერთ მშვე-
ნიერ დღეს საბუთოა კავშირმა პროვოკაციაში არ ამოჰყოს
თავი»-ო.

როგორც შემდგომ ამბებმა დამტკიცეს, მალენკოვის
ამ შენიშვნას ცუდად არ ჩაუვლია. ამან, ცოტად თუ ბევრად,
ცივი წყალი გადაასხა ცეკას ზოგიერთ თავგახურებულ მარ-
შალს.

ამრიგად, მიუხედავად დიდი სამზადისისა, ხრუმხოვმა
ვერ შეიძლო 100 პროცენტით ცეკასათვის თავზე მოეხვია თა-
ვისი სურვილები და ამ უკანასკნელის ავტორიტეტით გაენა-
დგურებია მოწინააღმდეგენი. ამით, რასაკვირველია, «კონ-
ფლიქტი» არ გადაჰრილა, იგი გადადებულია. მალენკოვი და
მისი მეგობრები «შელახული» გამოვიდნენ და არა განადგუ-
რებული. ეს კი ახალია—და თანაც მთავარი—ჩვენს ვითარე-

ბაში. ამიტომ სრულიად არ არის გამორიცხული, რომ ახლო მომავალში დავდგეთ ახალი, საშინელი კრიზისის წინაშე და იგი გახდეს საბედისწერო თვით რეჟიმისათვის. ამის ეშინია კრემლის დღევანდელ ბატონებს; ამანვე შეაჩერა ხრუშჩოვის ამართული სმალი და ამასვე მოელის, სულგანაბული, საბჭოთა მოქალაქე.

რაშია საქმე? საიდან იღებენ ასეთ იმედებს საბჭოთა უუფლებო ადამიანები? ამ კითხვაზე პირდაპირ პასუხს იძლევა სამი ფაქტორი: 1. ქვეყნის კატასტროფიული მდგომარეობა სამეურნეო ფრონტზე; 2. კრემლში დაწყებული ბრძოლა პატარა დიქტატორებს შორის და 3. დასავლეთის გამოფხიზლება, იმის უნარის ზრდა მოსკოვის ყალთაბანდობის შეცნობაში. ამ უკანასკნელი ფაქტორის არაპირდაპირ პროპაგანდას საკმაოდ ეწვეიან თვით კრემლის უკუის კოლოფები. ამასთან ერთად საუცხოვოდ შესძლეს ხალხის დარწმუნება, რომ ამერიკა და მისი მოკავშირეები მართლაც მძლავრი და შეიარაღებული არიან, რომ კრემლის ბატონებს გაანადგურებენ...

1954 წელი დამთავრდა სამეურნეო პროდუქტების გაუგონარი დეფიციტით. ახალი მიწების ათვისების სტატისტიკა აღმოჩნდა გაბერილი და ყალბი... თითქმის ნახევარი, ე. წ., «მოხალისეთა» არმიისა განადგურდა, ჯერ კიდევ 1953—54 წ. ზამთრის ყინვებში და 1954 წ. აუტანელ სიცხეებში ყაზახისტანის უდაბნოებში და ციმბირის ტაიგებში.

ესლა ხრუშჩოვი მთელ თავის იმედებს ამყარებს 1955 წ. მოსავალზე. ამისთვის უკვე მობილიზებულია ყველა ტექნიკური საშვალებანი და ადამიანთა კონტიგენტები კავშირის ყველა კუთხიდან... როგორც ამბობენ, განზრახულია მოლდავეთის რესპუბლიკის მცხოვრებთა «ნებაყოფლობით» გადასახლება შუა აზიის რესპუბლიკებში და აქ იქაურ მცხოვრებთა დასახლება. ალბათ, მოლდაველთ უკან მიყვებათ სხვა მოსახლურ რესპუბლიკების ხალხებიც. ვინ? ან ვისხედ არის რიგი—კაცმა არ იცის.

ერთი სიტყვით, მიღებულია ყველა ზომები, რათა 1955 წ. ქვეყანას «მისცენ» საკმაო რაოდენობით მარცვლეული და «ფურაი». მაგრამ საეჭვოა, შექმნილ პირობებში და ხრუშჩოვის უტვიჩო ხაზით, იგი მიღწეული იქნეს.

ხრუშჩოვის ახალი ფანტაზია—პურის მეურნეობა შესცვალოს სიმინდით—ვერაფერი იმედია. ამ ნიადაგზე დღეს მთელი საბჭოთა კავშირი გასამტერებელ სურათს იძლევა. მთელი ქვეყანა კრემლის გიყებმა გადააქციეს ახალი «შეჯიბრების» ასპარეზად. შეჯიბრის საგანია—რომელი კოლმეურნეობა მოიყვანს სიმინდის მეტ მოსავალს. ყველაზე შორს ჩრდილოეთში მდებარე კოლმეურნეობანიც შეუდგენ სიმინდის მოშენებას და თხოულობენ კრემლიდან ამ «კულტურის» სპეცებს. და, აი «იგზავნებიან» სათანადო ადგილებში «სიმინდის სპეციალისტები»—საქართველოდან, განსაკუთრებით სა-

მეგრელოდან და ყირიმიდან,—რათა შიგა რუსეთის და ციმბირის კოლმეურნეებს გააცნონ სიმინდის მოშენების მეთოდები. ჩვენში ახლა ისეთი სახით სწარმოებს ეგ სასიმინდო პროპაგანდა, რომ კაცს ეგონება,—ქვეყნის ბედი სიმინდის მოსავალზედ არის დამყარებული. ეს კი, უეჭველია, ვერაფერი საიმედო პერსპექტივა არის კრემლის დიქტატორთათვის...

როგორც ჩვენს დეკემბრის წერილში ვწვრიდით, დღეს აქ ყველა მოელის, რომ ხრუშჩოვი სწორედ ამ აგრარულ ფრონტზე მოიტეხს კისერს... არ ვიცი რატომ, მაგრამ აქ ყველას სწამს, რომ იგი განწირულია. საბჭოთა ატმოსფერო გაელენთილია ელექტრონით, განწყობილება ნერვიული და დაჭიმულია. შიში და უნდობლობა გამეფებულია კრემლის კედლებში. აღარ არის ძველებური მაგარი ხელი, მძლავრი ავტორიტეტი. პატარა დიქტატორები გათანასწოებული არიან არაბობაში. ამიტომ მათი ტრაბახი—რომ ჩვენ გავანადგურებთ ამერიკას და კაპიტალისტურ ქვეყანას—აქ აღარავის ჯერაგს. იგი აქ კრემლის ჩვეულებრივ «ბლეფად» მიაჩნიათ. პირიქით, აქ რწმენაა, რომ კრემლი ყოველგვარ დათმობებზედ წავა დასავლეთთან, ოღონდ ხელისუფლება შეინარჩუნოს და ომი აიცილოს, თუ ეს უკანასკნელი, მართლა რეალური საფრთხე გახდა...

დევენალი.

ქ. პე.

10 აპრილი 1955 წ.

მოსკოვის მორიგი თვალთმაქცობა.

სტალინის სიკვდილის შემდეგ შექმნილი კოლექტიური საბჭოთა ხელისუფლება ცდილობს თავისუფალ სამყაროსთან ამა თუ იმ სახით კეთილგანწყობილების დამყარებას... მოსკოვის მიერ გადმოსროლილი ლოზუნგი «თანაარსებობის» გულისხმობს კომუნისტურ-ტოტალიტალისტურ საბჭოთა კავშირის და თავისუფალ დემოკრატიულ ქვეყნების ერთად თანაარსებობას და მათ ურთიერთ შორის მწვიდობიანობის დამყარებას...

მოსკოვის მიერ ახლა გადადგმული ნაბიჯი ავსტრიის სუვერენობის აღდგენის საკითხში არის პირველი კონკრეტული ცდა ამ მიმართულებით. ნუ გაგვიკვირდება, თუ ახლო მომავალში კიდევ გავხდეთ მოწამე ასეთივე დათმობებისა. მოლოტოვის და ავსტრიის დელეგაციის შორის მოსკოვში დადებული ხელშეკრულების მე-16 მუხლი გულისხმობდა ავსტრიაში მცხოვრებ ემიგრანტების რეპატრიაციას, მაგრამ საკმარისი იყო მოკავშირეების რწმუნებულებს ვენაში გამოეთქვათ თავისი უკმაყოფილება ამ მუხლის შესახებ, რომ მოსკოვს ხელი აეღო ემიგრაციის რეპატრიაციის მოთხოვნაზე.

ჩვენ არ გვწამს ბოლშევიკების გულწრფელობა და კარგად გვესმის, რომ ისინი იძულებულნი არიან ანგარიში გაუწიონ თავისუფალ ქვეყნების შექავეშირებას თავდაცვის მიზნით. ავსტრიის სოციალისტური პარტიის ორგანო აღნიშნავს, რომ მოსკოვის დათმობები ავსტრიის საკითხში შეიძლება აიხსნას მხოლოდ დასავლეთ სახელმწიფოთა მიერ პარიზის ხელშეკრულებების მიღებით.

ბოლშევიკები ვითომ იცვლიან ძველ პოზიციასაც ემიგრაციისადმი და ჩვენდამი «ქირისუფლობას» და «გულშემატკივრობას» იჩენენ ახლა. მოსკოვმა კარგათ იცის, თუ რა როლს თამაშობს ემიგრაცია ცივი ომის წარმოების პროცესში, რომ პოლიტიკური ემიგრაცია ყოველგან ჩაბმულია ანტი-ბოლშევიკურ მუშაობაში. ამ მხრივ ამ უკანასკნელ ხანებში განსაკუთრებული ყურადღება ექცევა ბოლშევიკურ რკალში მომწყვდეულ ერებჩისთვის ნამდვილ ცნობების მიწოდებას დაარსებულ რადიო სადგურებიდან. დასავლეთის ამ «თავისუფალ ხმას» იქ დიდის ინტერესით ისმენენ. ხოლო ამ რადიო სადგურებში ხომ უმთავრესად ემიგრანტები მუშაობენ და ამიტომ გასაკვირი არ არის, რომ მოსკოვი ამ ბოლო დროს განსაკუთრებულ ყურადღებას აქცევს ემიგრაციას. თუ ამდენხანს ჩვენ მათგან ხალხის მტრებათ ვიყავით გამოცხადებული, დღეს დამოკიდებულება ემიგრაციისადმი ვითომ ისინი შეიცვალა. ჩვენი მისამართით გადმოგზავნილ მოწოდებებში ისინი ეხებიან ჩვენს უნუგეშო ნივთიერ მდგომარეობას უცხოეთში, ჩვენს სულიერ ტანჯვას და სამშობლოზე დარდს. ემიგრაციის გადაბირების მიზნით ისინი აარსებენ ბერლინის საბჭოთა სექტორში კომიტეტს «ზა ვოზვრაშჩენიე ნა როდინუ» საბჭოთა გენერლის მიხაილოვის მეთაურობით. ეს კომიტეტი მოუწოდებს ემიგრაციას ძალიან ნაზი სიტყვებით, რათა დაბრუნდენ საყვარელ სამშობლოში.

ჩვენ შორის არ მოიძებნება ისეთი ვინმე, ვინც ამ სიტყვებს დაიჯერებს, ესენი ხომ ათი წლის წინადაც ასეთივე სიტყვებით მიმართავდნენ ყოფილ ტყვეებს და იმათგან მრავალიც კი შეაცდინეს, ვითომ შინ დააბრუნეს, მაგრამ, როგორც ვიცით, ბევრს მათგანს ჯერ კიდევ სამშობლო თვალთ არ უხილავს.

კომიტეტის მოწოდებას სხვათა შორის ხელს აწერს ყოფილი ემიგრანტი შალვა ნიკოლოზის ძე მალაქელიძე იუროსტი ქ. რუსთავიდან. სჩანს მას გენერლის ტიტული ჩამოაშორეს, ალბათ იმისთვის, რომ ეს ტიტული მათი პროპაგანდისთვის არ გამოდგებოდა...

ის კომუნისტური გაზეთები, რომელშიდაც მალაქელიძის წერილი იყო მოთავსებული, მიუნხენიდან დაეგზავნა, როგორც ქართველებს. ისე სხვა კავკასიელებსაც... და გასაკვირის არის, რომ ეს გაზეთები თითქოს დაგზავნილია მიუნხენში მცხოვრებ ქართველების მიერ... კონვერტებზე აღნიშნულია

ჩვენი გვარები. ამ სტრიქონების ავტორის სახელითაც დაუგზავნიათ ეს გაზეთები სხვადასხვა ქვეყნებში მცხოვრებ ქართველებისთვის... ამ სამწუხარო შემთხვევას მივყავართ იმ დასკვნამდე, რომ ჩვენ შორის ბოლშევიკებს შეიძლება ყავდეს თავისი ხალხი, რომელნიც ასე მოხერხებულათ ასრულებენ მათ დავალუბებს. სიფრთხილე გემართებს. აღმოსავლეთ გერმანიის მთავრობის დახმარებით გენ. მიხაილოვის კომიტეტმა მოაწყო გასულ თვეში პრესის კონფერენცია, რომელსაც დასწრებია 130 კორესპოდენტი, მათ შორის დასავლეთიდანაც... ამ კონფერენციაზე გამოვიდა ვრცელი მოხსენებით ახლად გადასული უკრაინელი-ფედერალისტი პროფ. ვასილაკი, რომელმაც თავის მოხსენებაში სასტიკათ გაილაშქრა ამერიკულ კომიტეტის წინააღმდეგ. პროფ. ვასილაკი ადგილობრივი ემიგრანტულ წრეებში ცნობილი იყო თავისი დენოტაციონატორული და პროვოკაციული ხასიათის მუშაობით... «საკოორდინაციო ცენტრი»-ს დაშლის შემდეგ—ის როგორც უკრაინელი-ფედერალისტი, იწყებს მუშაობას ემიგრანტების სხვადასხვა ჯგუფის და სხვადასხვა ეროვნებათა უმნიშვნელო წრეებში და ცდილობს ახალი ორგანიზაციის შექმნას, რომლის ერთ-ერთ უმთავრეს მიზანთაგანი იქნებოდა ბრძოლა არსებულ და მოქმედ ავტორიტეტულ ეროვნულ ორგანიზაციების წინააღმდეგ. აშკარა იყო, რომ ამ შემთხვევაში მოქმედებდა პროვოკატორის ხელი და ეს პროვოკატორი გამოდგა თვით შეფი ამ ორგანიზაციისა პროფ. ვასილაკი. ის ბერლინიდან უკვე გამგზავრეს უკრაინაში. ესლა ყველა ეროვნული ემიგრანტული ორგანიზაციები დგამენ ამა თუ იმ ნაბიჯს ბოლშევიკების მორიგი იერიშების მოსაგერიებლათ... და ჩვენც მოვალენი ვართ ამ მიმართულებით საჭირო ზომები მივიღოთ.

სანდრო კვრძია.

გულს არ ვიბნის!

(26 მაისის გამოცემა)

თუ აქამდე მოსკოვი თავის ბატონობას და ბრძანებლობას საქართველოში ერის ცხოვრების ყველა დარგში ახორციელებდა ადგილობრივი ქართველი კომუნისტების შემწეობით, გარეგნულათ მოსაჩვენებლათ ერის შინაგან წყობას და საზოგადო საქმიანობას არ უკარგავდა ეროვნულ ელფერს, დღეს მისი პოლიტიკა გაშიშვლდა და აშკარა ხდება რუსეთის სულისკვეთება, რათა საქართველო გადააქციოს თავის შინაგან პროვინციათ.

კარგა ხანია ქართული ეროვნული ჯარების გაერთიანებული ნაწილების ხელმძღვანელობას სათავეში «შეფათ» ჩაუყენა რუსის გენერალი და მით წაშალა მოჩვენებითი ქართული ეროვნული ჯარის სახე.

იმ დროს, როდესაც დასავლეთის «დახვეწებული კაპიტალისტური რეაქციონერები» თავიანთ კოლონიებში ანთავისუფლებენ ადგილობრივ ერებს და თანასწორ უფლებებს ანიჭებენ. კომუნისტური რუსეთი, რომელიც თავის თავს რევოლიუციონურ-პროგრესიულ ძალათ აღიარებს, კარლ მარქსის სახელით და დროშით, უკანასკნელ ომის გათავების შემდეგ იპყრობს მრავალ ტერიტორიებს და უსპობს ერებს თავისუფლებას. სამწუხაროდ უნდა აღვნიშნოთ დასავლეთის დიდი შეცდომა, როცა მან ვერ აუღო ალღო, ვერ დაინახა კომუნისტების საფრთხე კაცობრიობისთვის და თვით შეუწყობ ხელი, რომ მრავალი პატარა ერები მოსკოვის მონობის უღელ ქვეშ ჩვენს ბედში ჩაეყარა. ამ შეცდომამ კაცობრიობა დიდ განსაცდელის წინაშე დააყენა და რომ დროზე არ მოსულიყვნენ გონს, ევროპის თავისუფალი ქვეყნები მოსკოვის კომუნისტების მსხვერპლი გახდებოდა. რუსეთის ექსპანსიას, მის ზრახვებს გადაეღობა წინ ამერიკის და დასავლეთის გაერთიანებული შეიარაღებული სამხედრო ძალები თავისი მატერიალური სიძლიერით.

კბილებამდე შეიარაღებულ რუსეთთან «მშვიდობიანი თანაარსებობა და თანამშრომლობა» გამორიცხულია; ამ ორ ერთი მეორის უარისმყოფელ ძალების ერთად ცხოვრება და რუსის კომუნისტების მოთვინიერება შეუძლებელია. როგორც არ უნდა განვითარდეს ქვეყნის ამბები, როგორი ფორმებიც არ უნდა მიიღოს დასავლეთის და რუსეთის ურთიერთობამ, ერთი ცხადია. ცხოვრების განვითარების წინ სვლას, ისტორიის აუცილებლობას კომუნისტური დიქტატურის სიშტები მუდმივად ვერ შესძლებენ გზა გადაუღობონ. რუსეთის წითელი დესპოტია ისევე დაინგრევა, როგორც სხვები დანგრეულან და ჩვენ სამშობლოსაც ელირსება ტყვეობიდან განთავისუფლება და ჩვენ ბრწყინვალე დღეს-26 მაისს კვლავ აღდგომა.

ამ იმედით შევყურებთ ჩვენი ქვეყნის მომავალს და ამიტომ გულს არ ვიტეხთ.

ალ. ტატიშვილი.

საგზო მათითაიშვილი.

მოხუცთა თავშესაფარში, აბონდანში, უეცრად გარდაიცვალა («გულის გახეთქა») ცნობილი რევოლიუციონერი სერგო მათითაიშვილი.

როდესაც სერგო მათითაიშვილი საზოგადო ასპარეზზე გამოვიდა—გურიაში რევოლიუციონური მოძრაობა უკვე გაჩაღებული იყო. ის პირველი დღიდანვე მიემხრო ამ მოძრაობის მეთაურ სოციალდემოკრატიულ მუშათა პარტიას და მის რიგებში ჩადგა. მოძრაობას, როგორც შიგნით, ისე გარეთ, ბევრიშტერი ყავდა. შიგნით—ეს იყვენ ისინი, ვინც აბეზღებდენ მოძრაობის მეთაურებს მთავრობასთან. გარეთ—მთა-

ვრობის მოხელენი, რომელთა თავგასულობას საზღვარი არ ქონდა. ორთავე ამათგან თავდაცვა აუცილებელი გახდა. და ამ თავდაცვის ერთი მონაწილე და მეთაურთაგანი გახდა ახალგაზრდა სერგო. ეს გზა ყველაზე უფრო სახიფათო იყო, მაგრამ ის ამას არ შეუშინდა და ათეული წლების განმავლობაში მამაცურათ განაგრძობდა მას.

მთელი ოცი წლის განმავლობაში იბრძოდა ის იარაღით ხელში იმ მავნე ელემენტების წინააღმდეგ, რომლებიც თან სდევდენ მოძრაობას და ამ ბრძოლას მუდამ და ყოველთვის აწარმოებდა საერთო ხელმძღვანელობით და არას დროს პირადი თვითნებობით. დისციპლინა, მორჩილება საერთო ხელმძღვანელობის, მას მიაჩნდა მოძრაობის ქვეყნუბუნად და თავის ხანგრძლივ მუშაობაში მას ის ერთხელაც არ დაურღვევია. ხანგრძლივი არალეგალური ცხოვრება და ისიც იარაღით ხელში—ხშირათ იწვევს ზოგიერთ არასასურველ შედეგებს, მაგრამ სერგოს ცხოვრებაში ასეთ რამეს ერთხელაც არ ქონია ადგილი. ამიტომ იყო რომ ხალხი მას ენდობოდა, ინახავდა და უვლიდა. ამის გამო იყო, რომ მიუხედავად მრავალნაირი ცდისა,—პოლიციამ ის ერთხელაც ვერ ჩაიგდო ხელში.

არალეგალური მდგომარეობიდან ის გამოვიდა მხოლოდ საქართველოს დამოუკიდებლობის დროს და მაშინვე ჩადგა სახალხო გვარდიის რიგში. ის არჩეული იქნა ოზურგეთის გვარდიის მეთაურათ და ამ გვარდიასთან ერთად აწარმოვა ბრძოლა ყოველგან, სადაც კი ამის საჭიროება მოითხოვდა.

რესპუბლიკა დაეცა, ქვეყანა მტერმა დაიპყრო, სერგო დარჩა პირისპირ ბოლშევიკებთან. მართალია, ბოლშევიკებმა პირველსავე დღეს გამოაცხადეს ზოგიერთი წრეების მიმართ ამნისტია, მაგრამ იმავე დროს შეუდგენ ზოგიერთი პირების არალეგალურათ მოსპობას, რომელთაც საიდუმლო მკვლელებიც კი დაუნიშნეს. ერთი ამათგანი იყო ს. მათითაიშვილი, რომელსაც მის თანამებრძოლ თეოფილე მუხაშარიასთან ერთად გაშმაგებით დაეძებდენ და მათ ხელში ჩასაგდებათ არავი თარ ხარჯებს არ ერიდებოდენ. ცხადი იყო, რომ თუ დაიჭერდენ—მას დახვრეტა არ აცდებოდა. ის იძულებული შეიქნა ისევ არალეგალურათ ცხოვრებას დაბრუნებოდა.

სანამ ასეთ დევნილთა რიცხვი ცოტა იყო, მათი შენახვა, ბინის შოვნა, ადგილიდან ადგილზე გადაყვანა, გაფრთხილება თავდასხმის ასაცდენათ—შედარებით ადვილათ ხერხდებოდა. მაგრამ რეპრესიების გაძლიერებასთან ერთად, იზრდებოდა დევნილთა რიცხვიც, რისთვისაც საჭირო გახდა საგანგებო ორგანიზაციის შექმნა. ამ ორგანიზაციის მუშაობა მეტად რთული და ძნელი შეიქნა, მაგრამ მათდა სასახელოთ უნდა ითქვას, რომ მათ ეს უდიდესი პასუხისმგებლობა პირნათლათ შეასრულეს. ოთხი წლის განმავლობაში არ ყოფილა არც ერთი შემთხვევა რომელიმე დევნილის ჩავარდნისა. უნდა ითქვას ისიც რომ თვით დევნილები ყოველგვარად გაუბრძოდენ

მთავრობის აგენტებთან შეტაკებას. მიუხედავად მათი ოჯახების საშინელი აწიოკებისა, მათ ერთხელაც არ მიუმართავთ იარაღისათვის შურის საძიებლათ, რომ ამით ხალხისათვის ზედმეტი ტანჯვა არ მიეყენებიათ. გამძლეობა, გასაჭირის ატანა, თავდადება იდეალისათვის, დაყუდებული ბერის ასკეტიზმი და ამხანაგისათვის თავისდადება, იარაღის ხმარება საერთო მიზნისათვის და არა პირადი ტანჯვის ნიადაგზე—აი რა თვისებით იყვენ აღჭურვილი სერგო და მისი ამხანაგები.

ამ დევნილთა ჯგუფმა უდიდესი მუშაობა ჩაატარა, როგორც სამხედრო მუშაობაში, ისე ხალხის საბრძოლველად დარაზმვაში. და ამავე დროს დიდ დახმარებას უწყვედენ პარტიულ ორგანიზაციებს სხვადასხვა ტექნიკურ და საორგანიზაციო მუშაობაში.

სერგომ დიდი მონაწილეობა მიიღო აგვისტოს აჯანყებაში. ის იყო სამაზრო სამხედრო შტაბის წევრი და თვით აჯანყების დროს დაკისრებული ქონდა მთელი ჩოხატაურის რაიონის განიარაღება, რაც მან საუცხოვრით შეასრულა.

აჯანყება დამარცხდა. სერგო თავის თანამებრძოლებით საზღვარგარეთ გამოვიდა. აქ ცხოვრობდა საფრანგეთში და საკუთარი შრომით თავს ირჩენდა, სანამ არ უღალატა ჯანმრთელობამ. ათეული წლების უბედურების და მღვლეარებით აღსავსე ცხოვრებამ მისი გული დაასუსტა და შეეცრა მისწყვეიტა ცხოვრებას...

დადგება დრო, როცა განთავისუფლებული ქართველი ხალხი მოწიწებით და თაყვანისცემით მოიგონებს იმ უამრავ მსხვერპლს, რომელიც შეეწირა საქართველოს განთავისუფლებას და მათ შორის, რა თქმა უნდა საპატიო ადგილი მიეკუთვნება ამხ. სერგო მათითაიშვილს...

გვ. ურატაძე.

სერ. მათითაიშვილი დასაფლავებულია დროებით ბონდანის სასაფლაოზე, მაგრამ მეგობრების მზრუნველობით ის მალე გადმოსვენებული იქნება ლევილის ძმთა სასაფლაოზე, სადაც არა ერთი და ორი მისი ამხანაგი და თანამებრძოლი დასაფლავებული. გ. უ.

ალექსანდრე ჯაფარიძე.

ამა წლის 6 მაისს პარიზში მოულოდნელად გარდაიცვალა ალექსანდრე ჯაფარიძე. იგი დაიბადა სოფ. ოზჩაში (დასავლეთ საქართველოში), განათლება მიიღო ქუთაისის გიმნაზიაში და პეტროგრადის უნივერსიტეტში. შემდეგ მთელი თავისი ცხოვრება სახელმწიფო და საზოგადოებრივ მუშაობაში გაატარა.

მიდის ძველი ემიგრაცია და მას თან მიაქვს ტრადიცია უცხოეთშიც დაცვის კარგი ქართული ზნე-ჩვეულების, ოჯახის და სამშობლოს სიყვარულის, საზოგადოებისთვის უანგარო მუშაობის. ასეთი იყო ალ. ჯაფარიძე და მისი ოჯახი.

მე განსვენებულს ამ 40—45 წლის წინათ გავეცანი, თუ შეიძლება ასე ითქვას, პროფესიის ნიადაგზე: კოოპერაციაში. იგი წარმომადგენელი იყო სახელმწიფო ბანკის. რათა თვალყური ეგდო, რომ მის მიერ გაცემული სესხი საკრედიტო ამხანაგობებს (სასოფლო ბანკებს) დანიშნულებისამებრ დაეხარჯათ და სესხის უკან დაბრუნება უზრუნველყოთ. ამ სტრიქონების დამწერი კი ამიერ-კავკასიის კოოპერაციის წარმომადგენელი იყო, ერთი მისი ხელმძღვანელთაგანი. ამ ნიადაგზე ვხვდებოდით ჩვენ ერთი-მეორეს.

განსვენებული არ იყო «ჩინოვნიკი», რომელიც კმაყოფილდება თავისი პირდაპირი მოვალეობით; ალ. ჯაფარიძე ნამდვილი მოამაგე და ხელმძღვანელი იყო სახალხო ბანკების: იგი უხსნიდა ამ ბანკების ხელმძღვანელთ კოოპერაციის მნიშვნელობას, მის საზოგადოებრივ ხასიათს, ინიციატივის და თვითმოქმედების მნიშვნელობას საზოგადოებაში და მის დამბრკოლებელ მიზეზებს. აქ იგი ნამდვილი დემოკრატი და სოციალისტი იყო. ამიტომ, როცა აბსოლუტური რეჟიმი დაეცა, კოოპერატივებმა მისცეს ახალგაზდა რესპუბლიკას პირველი კადრი ცოტათ თუ ბევრათ მომზადებულ მუშაკების, ერობას (თემს) და პატარა ქალაქების თვითმართველობას. ბევრი იყო მათ შორის ალ. ჯაფარიძის ხელმძღვანელობით სასოფლო ბანკებში გაწრთვნილი.

თვითონ ალ. ჯაფარიძე თავისუფალ საქართველოში არჩეული იყო ქალ. ქუთაისის თვითმართველობის საბჭოს თავმჯდომარეთ; შემდეგ მას ჩაბარდა მძიმე მოვალეობა სასურსათო საქმის მოწესრიგების; ჯერ დასავლეთ და შემდეგ მთელ საქართველოს სასურსათო კომიტეტის წევრი იყო განსვენებული; ბოლოს ქალაქთა კავშირის კომიტეტის წევრიც. იგი ყოველთვის პირნათლათ ასრულებდა თავის მოვალეობას და პატივისცემას იმსახურებდა...

შემდეგ ემიგრაცია. აქ იძულებული იყო განსვენებული მძიმე მუშაობისთვის მოეკიდა ხელი ოჯახის შესანახათ, რაშიდაც მას დიდ დახმარებას უწევდა მისი განსვენებული მეუღლე ოლდა. ამ რამდენიმე წლის წინ, ამ უკანასკნელის გარდაცვალება უდიდესი ჭრილობა იყო ალექსანდრესთვის. იგი ცდილობდა შეუმჩნევლათ გადაეტანა ეს მეტად მძიმე დანაკლისი და თავის ვაჟისთვის (ახალგაზდა მეცნიერისთვის) ხელის შეწყობით და საზოგადო საქმისადმი ინტერესებით დაედფარა იგი... მაგრამ ჯანმრთელობამ უღალატა განსვენებულს.

დაინგრა ყველასთვის საყვარელი, თბილი ოჯახი. ამ ოჯახის ყველა მეგობარი საუკუნოთ დაიცავს მის ხსოვნას და იმედს, რომ მათი ვაჟი, სამეცნიერო მუშაობასთან ერთად, შეინახავს იმ ქართულ სულს, რომელსაც ყველა გრძნობდა მის საყვარელ მშობელთა ოჯახში. მასთან არის ჩვენი გულითადი თანაგრძნობა.

ბ. ბ.

დაპყრობის წლის თავზე.

ამა წლის 27 თებერვალს, ქართულ ეკლესიაში გადახდილ იქნა პანაშვიდი იმ მიმუღიწვილთა ხსოვნის აღსანიშნავათ, რომელნიც მსხვერპლად შეეწირენ საქართველოს დამოუკიდებლობის დაცვას 1921 წ. თებერვალში. მამა ილიამ წარმოსთქვა ფრიად შინაარსიანი სიტყვა მათ სადიდებლათ...

ივანე ვარაზაშვილის გარდაცვალება.

ამა წლის 15 მარტს, ქალაქ თეპერანში ხანგრძლივი ავადმყოფობის შემდეგ გარდაიცვალა ინჟინერი ივანე სოფრომის ძე ვარაზაშვილი—76 წლისა. დასაფლავება მოხდა 18 მარტს ირანის ორტადოქსალურ სასაფლაოზე, რასაც მწუხარებით აუწყებს ირანში მცხოვრებ ქართველთა საზოგადოება.

ქ. ხახანია.

რასულ-ზადეს გარდაცვალება.

ანკარაში გარდაიცვალა აზერბაიჯანის ცნობილი საზოგადო მოღვაწე ემინ-ბეი რასულ-ზადე. იგი ლიდერი იყო აზერბაიჯანის ყველაზე უფრო ძლიერი პარტიის, მუსავატის; მომხრე იყო როგორც თავის ხალხის, ისე ყველა კავკასიელ ერების თავისუფლების და მათი კავშირის.

საქართველოს მთავრობის წევრებმა, ქართულ ეროვნულ საბჭომ, საქ. სოც.-დემ. პარტიის ბიურომ და სხვებმა გაგზავნეს სამძიმრის დეპეშები.

ამა წლის 3 მარტს სტამბოლში გადახდილ იქნა სამოქალაქო პანაშვიდი რასულ-ზადეს ხსოვნის საპატივცემულოთ. ჩვენმა მეგობარმა ს. მენაღარმა ქართველების სახელით წარმოსთქვა სიტყვა.

ადრიენ მარკეს გარდაცვალება.

ქალაქ ბორდოში გარდაიცვალა ადრიენ მარკე, საფრანგეთის ყოფილი მინისტრი, დეპუტატი და ქალ. ბორდოს მერი. მის სახელს კარგათ იცნობს ქართველობა. 1920 წელს მან, სოციალისტურ დელოეგაციასთან ერთად, იმგზავრა საქართველოში და იქ გაეცნო დამოუკიდებელ საქართველოს წესწობილებას და არსებობის პირობებს. მას შემდეგ განსვენებული ერთგული მეგობარი დარჩა ქართველების და ომის წინ არა ერთხელ გამოსულა საჯაროთ საქართველოს საკითხის დასაცავათ.

ქართულ ორგანიზაციებმა შესაფერ დეპეშებით გამოსთქვეს თავისი ღრმა მწუხარება ამ დიდი მეგობრის დაკარგვის გამო.

ნიკიტა იმნაიშვილის ძეგლის გახსნა.

20 მაისს, ლევილის ძმათა სასაფლაოზე გაიხსნა ამხ. ნიკიტა იმნაიშვილის ძეგლი, რომელიც აუგო მას მისმა ძმამ ნიკო იმნაიშვილმა. ძეგლის გახსნას დაესწრო მრავალი ამხანაგი და პატივისმცემელი. მამა ილიამ გადაიხადა პანაშვიდი. გალობდა ქართული გუნდი. ნიკო იმნაიშვილის მიერ ყველა დამსწრენი მიწვეული იქნენ ბ. მ. ცაგარელის რესტორანში, სადაც მათთვის გამზადებული იყო მოსაგონარი სადილი. აქ ნიკიტას დასახასიათებლათ და მის მოღვაწეობასთან დაკავშირებული ამბების შესახებ წარმოითქვა საინტერესო სიტყვები და ბოლოს ნ. იმნაიშვილმა მადლობა გადაუხადა დამსწრეთ თანაგრძნობისა და იმ თბილ მოგონებათა გამო, რომელიც აქ წარმოითქვა.

ბ. ნოზაძის მოხსენება.

ამა წლის 14 იანვარს, პარიზის შვედელთა დარბაზში წაკითხულ იქნა ფრანგულ ენაზე მოხსენება ჩვენი თანამემამულე გიორგი ნოზაძის: «ძველ და ახალ ქართულ მხატვრობაზე». მოხსენებას თან ახლდა ეკრანზე გაშუქებული ორასამდე ქართული მხატვრობის საუკეთესო ნიმუშების რეპროდუქციები, მოყოლებული მერვე საუკუნიდან—გათავებული თანამედროვე მხატვრობით.

ამ ერთგვარ გამოფენა-მიმოხილვაში ავტორი შეეცადა აღნიშნა ჩვენი ძველი მხატვრობის განვითარების ეტაპები, რამდენათ განიცდიდა ის უცხოეთის გავლენას, როგორ განვითარდა ახალი მხატვრობა და რა ღირებულებას წარმოადგენს დღევანდელი ქართული საბჭოთა მხატვრობა. მომხსენებელმა აღნიშნა ის ყალბი შეხედულება, რომელიც უკანასკნელ დრომდე არსებობდა, სახელდობრ ძველი მხატვრობის ბიზანტიურ შტოთ გამოცხადებით. მან ნათელპყო ძველი ქართული მხატვრობის ეროვნული თავისებურობა, მოიყვანა მაგალითები ძველი ქართული ეკლესიების; გარეჯის, უბისის და სხ. ფრესკები, რომლის ანალოგიურ შემოქმედებას ბიზანტიურ მხატვრობაში ადგილი არ აქვს. აღსანიშნავია ის ფაქტი, რომ დავით გარეჯელის ცხოვრებიდან გამოყენებულ სიუჟეტებს ქართულ მხატვრობაში უკავია ისეთივე ადგილი, როგორც ფრანსუა დასისიზს იტალიურ რენესანსის მხატვრობაში, იმ განსხვავებით, რომ ქართველი წმინდანი სამ საუკუნეზე ადრე ცხოვრობდა. ყურადღებას იპყრობს აგრეთვე ის, რომ ადამიანის ემოციულობის გადმოცემა მხატვრობაში ორ საუკუნეზე ადრე მიაღწიეს ქართველმა მხატვრებმა, ვინემ ბიზანტიელებმა. აღნიშნულ იქნა აგრეთვე, თუ როგორ მაღლა იდგა მინიატურული და წიგნთა გადამწერლობის ხელოვნება, რომლებიც ქართველ სახელმწიფოებრივ ორგანიზმის დასუსტების გამო ქართველ ერს თანდათანობით დაუკარგავს.

მიმოხილვაში ნაჩვენები იყო აგრეთვე თუ ჩვენმა მხატვრებმა როგორ გამოიყენეს პოემა ვეფხის ტყაოსნის მრავალი სიუჟეტები მხატვრობაში. მათ შორის აღსანიშნავია მე-16 საუკუნის მხატვარი თავქარაშვილი თავისებური სტილით. ქართული მხატვრული შემოქმედება არ შეჩერებულა ამბობს ავტორი, მიუხედავად ომიანობისა, რომელსაც ქართველი ერი აწარმოებდა თავის დასაცავათ, ამის საუკეთესო ნიშანია წაღწევის და გელათის მხატვრობა. უკანასკნელ საუკუნეებში იმ დროს, როდესაც ევროპაში მხატვრობა უაღრესად განვითარდა, შეიქმნა ახალი სტილი და სხვადასხვა მიმართულებანი რომლის მეთაურად გამოდის საფრანგეთი, რუსეთი შერჩა მე-18 საუკუნის აკადემიურ რეალისტურ სტილს, რომელზედაც დღემდეა შეჩერებული. საიდანაც განდევნილია სხვა სტილი, მიმართულებანი მონათლული ბურჟუაზიულ-ნაციონალისტურ იდეოლოგიის ნაყოფათ. ამ ხანებში ქართული მხატვრობა განიცდის დაცემას. მხოლოდ ნიკო ფიროსმანი წარმოადგენს გამონაკლისს—ამბობს მომხსენებელი, რადგან მან მოგვცა ერთსა და იმავე დროს ეროვნული და საკაცობრიო ღირებულების შედეგები. ამ ქართული მხატვრული დაკნინების მიზეზი იყო, რომ ფიროსმანი პირველად უცხოელებმა აღმოაჩინეს და მიაქციეს ყურადღებას.

საბჭოთა ხელისუფლებამ ნიკო ფიროსმანი და მისი მიმდევრები განდევნა ქართულ მხატვრობიდან და მხატვრობა ჩააყენა ზევიდან მოცემულ გენერალურ ხაზში. ასეთ პირობებში სადაც ხელოვანი გამოყენებულია, როგორც პარტიის საპროპაგანდო იარაღი, რაც გენიალური იყვეს ის, ნამდვილ მხატვრულ ღირებულებას ვერ მოგვცემს.

შემდეგ მომხსენებელი იხილავს პარიზში მყოფ ქართველ მხატვრების შემოქმედებას, აღნიშნავს მათ მთავარ მხატვრულ დამახასიათებელ თვისებებს. დასასრულ მომხსენებელი იმედს გამოსთქვამს, რომ თავისუფალ ქართულ სახელმწიფოში ქართველი შემოქმედნი კვლავ მიაღწევენ მაღალ მწვერვალებს, რადგან ქართველი ერის პოტენციალური შემოქმედება არ ამოწურულა...

დიდი მადლობის ღირსია მომხსენებელი, რომ მისმა შრომამ უნაყოფოდ არ ჩაიარა და დამსწრე უცხო საზოგადოება დააკმაყოფილა. ჩვენს ეროვნულ კულტურის პროპაგანდას უცხოეთში სწორედ ასეთი გამოსვლები ესაჭიროება...
გ. ს.

ბ-ნ ალ. კინწურთმეილის მოხსენება.

ამა წლის 17 აპრილს, ყოფილ მხედართა კავშირის თაღსობით. გამართულ კრებაზე ბ-ნ კინწურიშვილმა წაიკითხა მოხსენება შემდეგ თემაზე: «თანამედროვე ომის ფაქტორები». მიუხედავად სავანის სპეციალობისა, მომხსენებელმა მდაბიო და ვასაგები ენით ძლიერ დაინტერესა დამსწრე საზოგადოება.

წერილი აბონდანიდან.

საქ. ს.-დ. პ. პარიზის ორგანიზაციის კომიტეტმა მიიღო აბონდანის მოხუცთა თავშესაფარში მყოფ ჩვენი პარტიის მოხუცი წევრებისაგან წერილი, რომლის შინაარს აქვე ვებუ-
დავთ შემოკლებით.

მიუხედავად ჩვენი ხნოვანობისა, ჩვენ დაინტერესებული ვართ ჩვენი პარტიის ცხოვრებით და მისი ყოველდღიური მუშაობით. ს.-დ. პარტია უპირველესად ყოვლისა ემსახურება ჩვენი სამშობლოს თავისუფლების იდეას, რომ იგი განდეს ღირსეულ წევრათ თავისუფალ საერთაშორისო საკაცობრიო ოჯახის. ჩვენი სურვილია ჩვენი სიცოცხლის უკანასკნელ დღე-მდე ჩვენი წვლილი შეტანილ იქნეს პარტიის გასამაგრებლათ. ამიტომ ვაცხადებთ აქაურ ჩვენს შემადგენლობას ერთ-ერთ პარტიულ ერთეულათ და პარიზის ორგანიზაციაში შემოვდი-
ვართ. ურთიერთ შორის მუდმივ და მჭიდრო კავშირისათვის გვეყოლება რწმუნებული. როცა საჭირო განდება ჩვენი ყვე-
ლას პარიზში ჩამოსვლა, ვალდებულათ ვთვლით ჩვენს თავს პარტიის მოთხოვნილება შევასრულოთ.

საწევრო გადასახადს სავალდებულოთ ვღებულობთ.

ხელს აწერენ: ალ. მებურიშვილი, ს. ჩიკვილაძე, ერ. ურუ-
შაძე, გ. წერეთელი, ლ. ულენტი, სან. ჭყონია, ნ. მელქაძე.

«ჩვენი ღრუბა»-ს ფონდი.

სოშოდან მიემლეთ ამხ. გ. ქვარცხავას მიერ შეგროვილი:
დ. კვერღელიძისაგან, გ. ქვარცხავასაგან, ვ. დ.—საგან—თითეუ-
ლისაგან ათასი ფრანკი; ი. შავდიასაგან 500 ფრ.; მ. ჯინჭარა-
ძისაგან 400 ფრ.; თედორე ზედგინიძისაგან, ვალოდია სალუ-
ქვაძისაგან, შ. ქურციკიძისაგან, გ. აბულაძისაგან, ს. ჭირაქაძი-
საგან, კ. რიქაშაძისაგან—თითეულისაგან 200 ფ.—სულ 5300 ფრ.

გრიშა ბარამიძისაგან, გაფრინდაშვილისაგან—თითეუ-
ლისაგან 2.000 ფრ.; ანტონ ყორჟოლიანისაგან, გერ. სურგუ-
ლაძისაგან, იაკობ(იაშა)ელიგუშალვილისაგან, ც—ასაგან—
თითეულისაგან 1000 ფრ.; დ. რევაზიშვილისაგან, ქ. გრიგო-
ლაშვილისაგან—თითეულისაგან 500 ფრ.

ირანიდან ქ-ნ ქსენიასაგან ამხ. მოღებაძის ხელით 10 დო-
ლარი.

აბონდანიდან ს. ჩიკვილაძისაგან 700 ფრ.

ამხ. ავთანდილ ურუშაძის გარდაცვალება.

ნომერი გამზადებული იყო დასაბეჭდათ, რომ მივიღეთ
სამწუხარო ცნობა: სტამბოლში, სავადმყოფოში გარდაიცვა-
ლა ავთანდილ ურუშაძე. ნეკროლოგი შემდეგ ნომერში.